

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
OPĆINA MAGLAJ  
OPĆINSKO VIJEĆE

Broj: 02-05-1-1131/17  
Datum, 10.05.2017.godine



Bosnia and Herzegovina  
Federation of Bosnia and Herzegovina  
ZENICA – DOBOJ CANTON  
MAGLAJ MUNICIPALITY  
MUNICIPAL COUNCIL

## ZAPISNIK

Sa 6. sjednice Općinskog vijeća Maglaj  
održane dana 10.05.2017.godine u 11,00 sati u sali  
JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.  
Sjednici prisutni općinski načelnik Mirsad Mahmutagić, Azra Čakrama, predstavnik općinske administracije.  
Zapisničar, Nisveta Bašić

**Predsjedavajuća OV**, govori na osnovu člana 59. Poslovnika o radu Općinskog vijeća Maglaj i zaključka Kolegija OV od 28.04.2017.godine, Programa rada OV za 2017.godinu, te ukazane potrebe otvaram 6. redovnu sjednicu Općinskog vijeća Maglaj.

Na današnju sjednicu pozvani su vijećnici parlamentarnih političkih stranaka, SDA-a, SDP-a, SBB-a, DF-a, HDZ-a, SBiH-a, SP/U-a. Pozivan je i Općinski načelnik, rukovodioci općinskih službi, predstavnici JU i JP, kao i predstavnici čiji materijali će biti razmatrani na današnjoj sjednici OV. Poziv za sjednicu i materijal dostavljeni su OSCE-ovom uredu Travnik i sredstvima informisanja koji prate rad današnje sjednice Vijeća. Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Prije prozivke vijećnika, želim upoznati Općinsko vijeće Maglaj da je vijećnik Mustafa Buljubašić istupio iz Stranke penzionera/umirovljenika i da će ubuduće nastupati kao samostalni vijećnik, a i dalje će činiti sastavni dio Kluba sa Strankom za BiH.

Pozivam predstavnika općinske administracije da prozivkom utvrdimo broj prisutnih vijećnika.

Konstatujem da sjednici prisustvuje 24 vijećnika.

Nije prisutna vijećnica Edina Jašić, kojoj ovom prilikom čestitam rođenje djeteta u svoje ime i u ime svih vijećnika.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa 5. redovne sjednice OV.

Da li ima primjedbi na zapisnik sa 5. redovne sjednice?

**Vijećnik Abdurahmanović Adis**, Zapisnik sa 5. redovne sjednice tačka 2. dnevnog reda kod Odluke o utvrđivanju namjene prostora za bušeni bunar EB-1 na prostoru Regulacionog plana Kosova na stranici 7. stoji da su vijećnici SDA glasali protiv ove odluke, što je netačno, mi smo bili suzdržani po ovom pitanju. Tražim da nam se dostavi Zapisnik sa ispravljenim tekstom.

**Predsjedavajuća OV**, dajem na glasanje verifikaciju zapisnika sa 5. redovne sjednice, uz primjedbu vijećnika Abdurahmanović Adisa, na usvajanje.

Usvojeno jednoglasno

**Predsjedavajuća OV**, otvaram raspravu po pitanju dnevnog reda.

**Općinski načelnik Mirsad Mahmutagić**, na Kolegiju sam pokrenuo jednu inicijativu, nisam reagovao na vrijeme, ukoliko se slažete ja bih predložio jednu inicijativu o kojoj bi raspravljali. S obzirom da je našu kino dvoranu renovirala Vlada Republike Francuske. Ja bih pokrenuo jednu inicijativu da se obratimo Francuskoj ambasadi u Sarajevu, da predložimo da daju ime našem kinu jednog od svojih renomiranih umjetnika. Da mi predložimo i da ubuduće to kino nosi ime koje oni predlože.

**Predsjedavajuća OV**, da li ima još sugestija na dnevni red? Nema. Da li se slažete da ovu tačku-inicijativu Općinskog načelnika uvrstimo u dnevni red? Ko je za?

**Vijećnik Safet Jašić**, zamolio bih 5 minuta pauze, ako već ide kao tačka dnevnog reda.

Predsjedavajuća OV, ukoliko se složimo to bi bila 19. tačka „Inicijativa Općinskog načelnika o davanju imena kino sali u Maglaju po prijedlogu Francuske ambasade“.

Pauza za Klub SDA 5 minuta

**Vijećnik Safet Jašić**, mi smo na Klubu donijeli zaključak i držat ćemo se toga. Da ne bi bilo nešto preko koljena Klub vijećnika SDA smatra da inicijativa gospodina Načelnika treba da prođe proceduru, raspravu, javne rasprave kako već hoćete i da onda dođe na dnevni red pripremljena i tada mi ne bi imali ništa protiv toga. Suprotno mi nećemo podržati ovu inicijativu.

**Predsjedavajuća OV**, u skladu sa Poslovníkom pozivam Kolegij OV na jednu kraću pauzu da usaglasimo dnevni red i ponudimo Općinskom vijeću na glasanje.

Pauza za Kolegij 5 minuta.

**Predsjedavajuća OV**, nakon pauze za Kolegij, pročitat ću dnevni red za 6. redovnu sjednicu Općinskog vijeća Maglaj.

## D N E V N I   R E D

**1. Informacija-Periodični finansijski izvještaj Budžeta/Proračuna Općine Maglaj za period 01.01.-31.03.2017. godine;**

**2. Prijedlog Program poticaja u poljoprivrednoj proizvodnji općine Maglaj za 2017. godinu;**

**3. Prijedlog Programa utroška sredstava – poticaja u zapošljavanju mladih poduzetnika za 2017. godinu;**

**4. Informacija o stanju i načinu otpisa nenaplativih potraživanja fizičkih i pravnih lica;**

**5. Razmatranje Programa održavanja, sanacije i uređenja lokalnih i nekategorisanih puteva sa finansijskim pokazateljima za 2017. godinu, uz Izvještaj za 2016. godinu;**

**6. Razmatranje Izvještaja o održavanju i sanaciji javne rasvjete sa finansijskim pokazateljima za 2016. godinu;**

**7. Razmatranje Programa održavanja javne higijene sa finansijskim pokazateljima za 2017. godinu, uz Izvještaj za 2016. godinu;**

**8. Razmatranje Programa održavanja javnog zelenila sa finansijskim pokazateljima za 2017. godinu, uz Izvještaj za 2016. godinu;**

**9. Razmatranje Programa zbrinjavanja pasa lualica sa finansijskim pokazateljima za 2017. godinu, uz Izvještaj za 2016. godinu;**

**10. Izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu;**

**11. Donošenje Programa sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu;**

**12. Izvještaj o utrošku sredstava transferisanih sredstava od koncesija u 2016. godini, realiziranim programima i visini uloženi sredstava;**

**13. Prijedlog rješenja o izuzimanju neizgrađenog gradskog građevinskog zemljišta radi izgradnje saobraćajnice TC WISA – T-objekti u Maglaju;**

**14. Prijedlog Odluke o usvajanju Plana djelovanja Centra za socijalni rad u vanrednim situacijama izazvanim prirodnim nesrećama;**

**15. Informacija o tekućim aktivnostima vezano za Groblje Borik;**

**16. Nacrt Odluke o kućnom redu, upravljanju, održavanju i korištenju stambenih i stambeno – poslovnih objekata**

**17. Informacija o realizaciji zaključaka 1-5 sjednice Općinskog vijeća**

**18. Informacija o radu i planu upisa u osnovne i srednje škole na općini Maglaj:**

- Osnovna škola «Maglaj» Maglaj
- «Prva osnovna škola « Maglaj
- Osnovna škola «Novi Šeher» Novi Šeher
- JU MSŠ Maglaj
- JU Gimnazija Maglaj.

**19. Inicijativa Općinskog načelnika o davanju imena kino sali u Maglaju po prijedlogu Francuske ambasade.**

- Brifing Općinskog načelnika između dvije sjednice

- te vijećnička pitanja i inicijative.

Ko je za usaglašeni dnevni red na Kolegiju OV?

**Glasalo je 14 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik), Elvir Vehabović (SBIH), Josip Jurišić (HDZ).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

**AD - 1. Informacija-Periodični finansijski izvještaj Budžeta/Proračuna Općine Maglaj za period 01.01.-31.03.2017. godine;**

**Predsjedavajuća OV**, izvjestioci po ovoj tački su Općinski načelnik i Senada Alibajraktarević.

Otvaram raspravu

**Vijećnik Nedžad Lokmić**, mi smo proanalizirali ovu Informaciju i u Klubu dat ću kratak osvrt.

Predloženi materijal urađen je u skladu sa važećim Zakonima o Budžetima u BiH i Pravilnicima o Budžetima o izvještaju i Godišnjem obračunu Budžeta u BiH...

Primijetili smo da ponuđeni periodični Izvještaj predstavlja set obrazaca od 9 finansijskih izvještaja počevši sa pregledom prihoda, primitaka i financiranja, po ekonomskim kategorijama, preko registra doznaka iz tekuće rezerve Budžeta pa do izvještaja o namjenskom trošku transfera sa pismenim obrazloženjem o namjenskom trošku sredstava.

Osvrnut ću se samo na neke spomena vrijedne obrasce. Iz prvih obrazaca da se primijetiti da ...

Pala mi je u oči stavka u trećem obrascu gdje se navode neto plaće uposlenika koja je veća za prethodnu godinu za nekih 24.000 KM. Pitat ću Službu ili Načelnika o čemu se tu zapravo radi, nisam se mogao snaći da li su to plaće za dva Načelnika ili ako bude prilike da kasnije objasnite...

Vrijedi pomenuti i to da u izvještajnom periodu nisu uračunata izdvajanja sredstava iz tekuće budžetske rezerve. Na kraju moramo primijetiti kako se nastojalo ispoštovati ono na čemu smo insistirali prilikom izrade Nacrta Budžeta za 2017. godinu, a tiče se nastojanja da se Budžet uradi bez rastrošnosti, bez bahatosti i samoodlučivanja pojedinaca, pokušavajući ostvariti uštede tamo gdje je to moguće.

U ime Kluba SDP-a primamo Informaciju na znanje, i još jedna primjedba na kraju. Primijetili ste da ova točka ima nekih 40-tak stranica i da bar meni je palo u oči 13 stranica su tabele gdje se pišu nužle. Ja znam da se mora ispoštovati obrazac o izradi, ako se već radi o nulama, praznim stranicama treba razmisliti ili da se izostave, ili nekakav kratak osvrt, pa bi to značilo uštedu od 420 listova materijala.

**Vijećnik Hajrudin Ferić**, ja bih iznio nekoliko razmišljanja, nekoliko komentara i nekoliko naših pogleda iz DF kad je u pitanju ova Informacija za prva tri mjeseca.

U samom uvodu moram da kažem da su i gospođa Grahić i gospođa Alibajraktarević svjedoci da sam i prije dvije i tri i prošle godine na javnim raspravama govorio i tražio možda i njih kritikovao na pogrešnim adresama što nemamo nikakvih pisanih tekstualnih obrazloženja ovih brojki koje imamo ovdje. Također smo tražili da nam Načelnik i tadašnji izađe i obrazloži politiku ovih brojki koje imamo danas u ova prva tri mjeseca... Zamolio bih da nakon moje diskusije čujemo obrazloženje pojedinih stavki koje ja spomenem.

Nas interesuje da je u prva tri mjeseca kapitalni transferi drugim nivoima vlasti bilo 88.527 KM. Ovo kapitalni transferi drugim nivoima vlasti podrazumijevaju i mjesne zajednice i neke infrastrukturne projekte, kad su u pitanju kapitalni transferi mjesnim zajednicama znam da je u Budžetu planirano 40.000 KM za cijelu godinu, pa me interesuje šta je tu u ova prva tri mjeseca...

Prihodi i primitci od 516.000 KM su veći u odnosu na prošli period u 2016. godini, tu imamo neko obrazloženje na koji način, kako i zbog čega su veći, dok su rashodi i izdaci 83.750 KM manji nego u istom periodu 2016.godine, to ste i vi iz SDP-a primijetili, dok su tekući transferi drugih nivoa vlasti od FBiH i ZDK za 156.000 KM manji nego u prethodnoj godini.

Pod tekućim transferima podrazumijeva se sva izvršena nepovratna davanja za tekuće svrhe ono gdje se uštedilo 83.000 KM, znači nepovratna davanja koja nisu dana za nabavku kapitalne imovine...

Ušteda je bila na ugovorenim obavezama i tekućim transferima, a ovo ugovorene usluge u prva tri mjeseca podrazumijevaju kako mi tumačimo, zato bi volili da čujemo, podrazumijeva između ostalog medije, pripremu projektne dokumentacije, opremu CZ, pripravnike, uzorkovanje životnih namirnica, isplate po sudskim sporovima, zatim kad su u pitanju tekući transferi pojedincima podrazumijevaju naknade za liječenje, za socijalno itd. Ovo tumačimo zato što nemamo drugog tumačenja.

Ono što je također još evidentno da bi volili da malo iskritikujemo da je izuzetno malo sredstava potrošeno na službena putovanja. Nekom će možda izgledati malo i čudno što kritikujemo 400 i nešto maraka. Zapravo želimo ovim dobronamjerno da sugerišemo da se poveća aktivnost institucija vlasti. Dakle, na otvaranju, na lobiranju, na iznalaženju sredstava grantova, projekata itd. tako da podršku apsolutno imate u tome.

Ovo kad sam rekao da su 170.000 KM manja sredstva koja dobijamo od drugih nivoa vlasti podrazumijeva Federaciju i Katnon. Što može da bude također indikativno za ova prva tri mjeseca iz sredstava odozgo, samo može da ima neku političku konotaciju.

Volio bih također da se ovdje malo porazgovara, odnosno da čujemo određena pojašnjenja. Šta je sa sredstvima koja se vuku neka godinu dana, a neka možda i duže, a to je kad su u pitanju 1. Utopljavanje Doma kulture,

Spomen obilježje na Omerdinom Polju. Ta sredstva 3.200,00 KM se vuku još od druge polovine prošle godine i koliko mi znamo, na Omeridnom Polju nije izgrađena to spomen obilježje. Zbog čega to nije realizovano? Volio bih da znam šta je sa katalogom, registrom vodovoda na općini Maglaj, tu su također sredstva koja se vuku. Volio bih da znam šta je sa konzervatorskim radovima na tvrđavi Stari grad, Uzeirbegovom konaku? Kakvi su konačni efekti javnog poziva za izgradnju trotoara pored gradske džamije i šta je sa namjenskim sredstvima koja su bila planirana za sanaciju deponije «Nekolj»? Također bi volili da znamo zbog javnosti, tekući izdaci su za 28.000 KM veći nego u 2016.godini. Drugi tekući rashodi su za 13.500 KM veći, a ja koliko znam na toj stavci, su između ostalog i izvršne presude. Pretpostavljam da se radi o tome i na kraju sugerisem da Općina Maglaj a imala je obavezu od 2009.godine, ima uposlenika nezavisnog internog revizora i zaista je nedopustivo da ga evo nema 7-8 godina. Dakle, da pokušamo to u narednom periodu da riješimo, ne samo kad je u pitanju revizija, a vidim da ima potrebe za stručnim kadrom u općinskoj organizaciji.

Mi podržavamo ovaj Izvještaj, ali bi volili da čujemo određena pojašnjenja i obrazloženja i žao mi je što ovo nije bilo u tekstualnom obrazloženju pa ne ovoliko izlazili.

**Vijećnik Safet Jašić**, Klub vijećnika SDA ima svoje stavove po pitanju ovog materijala i nije ga bilo lako protumačiti. Ja ću iznijeti stavove Kluba SDA.

1. Materijal je vrlo nepregledan i najmanje što se moglo jeste da su se u materijalu mogle poslati veće, preglednije i samim tim i bolje razumljivije tabele.

2. Naš stav je da nije detaljno obrazloženo šta su razlozi ostvarenja prikazanog suficita, a po nama, ostvareni prihodi su, prije svega rezultat nenaplaćenih potraživanja iz prethodne godine i to naplata za KGZ i KN i to, prije svega, naplaćenih potraživanja od Elektroprivrede, Elektrodistribucija Maglaj i predlagač ovog izvještaja je trebao napisati koji je to iznos, zatim naplaćenih KGZ i KN i rente za uređenje građevinskog zemljišta od privrednika koji su obročno plaćali ove obaveze i koje su naplaćene u prvom kvartalu 2017.godine, a odnose se na obaveze iz 2015. i 2016.godine. Što je po našoj procjeni cca 650.000,00 KM, a što nije rezultat rada ove vlasti i ovog načelnika nego rada i rezultata rada SDA i njenog načelnika iz prethodnog mandata.

Potpuno nam je jasno da se naprijed navedeno nije detaljnije elaboriralo, kako bi se stvorila slika o fascinantnim rezultatima ove vlasti.

Tražimo da nam se danas na sjednici Općinskog vijeća, a javnosti radi, kaže koliko je tačno naplaćeno od Elektroprivrede, Elektrodistribucija Maglaj, te koliko je tačno naplaćeno od investitora koji su sklopili ugovore o obročnom plaćanju, kako je naprijed navedeno.

3. Iskazani suficit bi bio daleko manji da su isplaćeni poticaji za poljoprivredne proizvođače, a koji nisu isplaćeni u 2016.godini i sasvim je normalno da se posljednji kvartal 2016.godine isplati u prvom kvartalu 2017.godine.

Po mišljenju Kluba vijećnika SDA nanosena je velika šteta poljoprivrednim proizvođačima kojima nisu isplaćeni ovi poticaji, a koji se isplaćuju iz budžeta svih nivoa vlasti, kako smo to naveli, nego što je iskazani suficit veći za rashode koji nisu isplaćeni poljoprivrednim proizvođačima. Da su isplaćeni poljoprivredni poticaji, rashodi za prva tri mjeseca bi vjerovatno bila na nivou rashoda u istom periodu prethodne godine.

Nije ovo ispunjenje obećanja SDP-a i njenog načelnika da će se poljoprivrednim proizvođačima dati veći poticaji kako bi se obezbjedila nova radna mjesta u poljoprivredi, a o čemu su im bila puna usta u izbornoj kampanji.

Posebno ističemo da ova vlast uopšte nije imala osjećaja za štete nastale na poljoprivrednim gazdinstvima novošeherskog kraja kada je proglašena elementarna nepogoda u avgustu mjesecu 2016.godine i kada su stradale plantaže jagodičastog voća, platenici itd., te ćemo na kraju ove sjednice iznijeti vijećničku inicijativu za rebalans Budžeta za 2017.godinu, kako bi se isplatili poticaji za poljoprivrednu proizvodnju za posljednji kvartal 2016.godine, a poljoprivrednim proizvođačima koji su stradali u elementarnoj nepogodi u avgustu mjesecu 2016.godine na novošeherskom kraju pomoglo bi se sa potrebnom količinom plastične folije za platenike i isplatile jednokratne novčane pomoći za sanaciju šteta koje su pričinjene na plantažama jagodičastog voća i drugih poljoprivrednih kultura i to najmanje po 300,00 KM po dunumu.

Iz tog razloga Klub vijećnika SDA ne podržava ovu Informaciju.

**Općinski načelnik Mirsad Mahmutagić**, prvo ću dati par odgovora, pa ću onda malo prokomentarisati.

Vijećnik Nedžad Lokmić,

- neto plate su veće za 20.000 KM u odnosu na prethodni period, dio razloga jesu dva Načelnika na plati, a dio razloga je što je prošle godine bio proces usklađivanja koeficijanata i osnovice po zakonskim odredbama, tako da je to nešto veći utrošak na neto plaćama u odnosu na I kvartal prošle godine. Ne znam tačno kad je usklađena, ali uglavnom nije bilo nikakvih izmjena na visinama plaće.

- Ove tabele sa nulama, sugestija na mjestu ukoliko ih možemo izbaciti, ali kako bi sugerise Senka čini se da ne možemo, ali jedna je činjenica nije 420 stranica zato što je iskopirano samo u 5 primjeraka nisu svi vijećnici dobili.

Dopredsjedavajući Fermić,

- ova informacija je urađena u skladu sa Zakonom, ali ukoliko treba dodatnih pojašnjenja, ubuduće svakako možemo zabilježiti kakvi su prijedlozi, koje su primjedbe i šta treba pa ćemo pismeno obrazložiti pa ćemo i to svakako dostaviti, nema razloga bilo šta da krijemo.

- Transferi prema nižim nivoima vlasti, imate onih projekata koji su rađeni po mjesnim zajednicama do prošle godine znamo svi da su bili izbori, pa onda kad dođe novac, najveći dio tog novca je sa viših nivoa vlasti tako da ta cifra izađe na 88.000 KM, ali kada je u pitanju redovni rad mjesnih zajednica, to je ono što je u skladu sa planiranim sredstvima u Budžetu za ovu godinu i tako će ići izvršavanje čitave godine, onako kako bude realizacija u Budžetu.

Što se tiče dilema oko rashoda tekućih transfera itd. uključit će se gospođica Senka u taj dio, bilo je primjedbi za medije, za pripravnike. Vi znate da smo s pripravicima dogovorili da ih nećemo primati stranački kako je to bilo, kako su dolazili u kancelariju kod Devedžića i obećat da će uzet iskaznicu SDA da bi stažirali. Sad su primljeni svi pripravnici i idemo metodom za prvi kvartal je isplaćena ona suma koja je bila planirana za pripravnike 45.000 KM u I kvartalu, su svima dodijeljeni troškovi za osiguranje, troškovi za prijevoz i preostali dio je podijeljen linalno svakom od pripravnika i tako ići i ubuduće.

Malo sredstava za službena putovanja, jeste 400,00 KM. Sama cijena službenog putovanja se nalazi u toj stavci. Ovo se odnosi konkretno na dnevnice, a ostali troškovi se knjiže na gorivo, na putarinu, tako da nije bilo službenih putovanja. Idemo na seminare, i ako odete tamo na kotizacije vidjet ćete da je bilo službenih putovanja.

U tom periodu nije bilo službenih putovanja u inostranstvo.

Dileme oko namjenskih sredstava su se dugo vukla kroz Budžet.

Dom kulture, treba svaki dan da se počne raditi. Dobili smo uzorak jednog prozora, prihvaćamo to. Propisan je ugovor i mislim da će za koji dan se ući u realizaciju tog projekta.

Slična je situacija i na gradini, ona namjenska sredstva koja su se vukla određeno vrijeme.

Registar vodovoda je nešto što je u procesu. Završen je proces javnih nabavki i to ide u proceduru. Izgradnja trotoara pored gradske džamije, to možda bolje zna gospodin Hajrulahović i da nam on nešto o tome kaže.

Veći tekući rashodi, izvršne presude, mi smo dvije-tri presude djelimično realizovali. Slažem se sa primjedbom za internog revizora i on će biti dio nove sistematizacije.

Materijal koji nije lako protumačiti koji je urađen u skladu sa Zakonom, to nije do materijala. Da li je nepregledan, možda ima nekih nedostataka. Rezultat rada SDA neću komentarisat, to svi znamo. Sredstva iznosa od KGZ i KN, to je stvar koja se ne tiče ove informacije, to je stvar koju imaju u Službi i ko je zainteresovan može doći da dobije informacije.

Nije isplaćen poticaj za poljoprivredu posljednji kvartal, nije tačno. Isplaćen je posljednji kvartal, nije vam isplatio prošli načelnik za treći kvartal. To vam nije isplatio načelnik Mustabašić. Avgust mjesec ako se ne varam je bio prošle godine, to je osmi mjesec, ne znam šta ste proglasili, ali znam da niste ništa ovim ljudima dali Jašiću i sad se pitaš. Gdje ste bili u augustu i septembru? Asfaltirali ste privatne sokake i zna se odakle iz budžetskog novca za rezultate vašeg kandidata za načelnika. To ste vi krivi, nije ovaj načelnik.

Što se tiče plana isplata za poljoprivredni poticaj, provjerite koliko ste isplaćivali i onda ćete se poklopiti i nećete više ni pitati. Što se mene tiče poticaj za poljoprivredu će biti realizovan i ide isplata i bila je i za ovaj I kvartal i ide sad.

Porezni prihodi su u granicama kao i do sada, s tim da smo locirali u ovom periodu gdje su propusti koji utiču na lošiji rezultat kada su ovi prihodi u pitanju u odnosu na onaj koji bi trebalo postići, a ne lošiji u odnosu na dosadašnji. Kako sam i ranije napomenuo pokrenute su aktivnosti i u narednom periodu trebamo održati sastanak sa premijerom, gospodinom Galijaševićem i direktorom Poreske uprave ZDK, nismo zadovoljni sa radom poreske ispostave u općini Maglaj.

Neporezni prihodi su stvar općinskih akata i na njima svakako treba poraditi kako bi se i prihodi povećali. Generalno mogu reći da smo rashode smanjili i da ostajemo na kursu usvojenih mjera štednje. U narednom periodu ćemo iskoristiti da poradimo na upravljanju procesa punjenja Budžeta. Sada su transferi sa viših nivoa nešto manji što može opravdati jer je neizborna godina, a moram napomenuti da dio sredstava sa višeg nivoa još nismo dobili bez obzira na to što su realizovane aktivnosti u skladu sa ugovorom. Tu se najprije radi o sredstvima iz vodnih naknada, sredstvima velikih zagađivača i dr.

Što se tiče ovih par dilema nadam se da je gospođica Senada zabilježila.

**Senada Alibajraktarević**, Načelnik je odgovorio na većinu postavljenih pitanja, ja ću pokušati obrazložiti pogotovo kod postavljenih dilema.

Kada je riječ o tekućim transferima, pogotovo tekućim transferima pojedincima, vidjeli ste da i u ovom izvještajnom periodu od 1.1. do 31.3. oni su realizovani sa 97.862 KM, a u istom izvještajnom periodu prošle godine realizovano tekući transferi pojedincima iznosile su 250.288 KM.

Kada je riječ o analitici tekućih transfera pojedincima one stavke koje se odnose za izdatke vojne invalide, ranjene borbe iz porodice poginulih boraca tu imamo izvršenje u ovom periodu veće u odnosu na isti period prošle godine i iznosi 66.985 KM, a u istom periodu prošle godine iznosilo je 29.700 KM.

Kada je riječ o izdacima za raseljena lica izvršenje za prva tri mjeseca ove godine iznosi 360,00 KM, a u istom periodu prošle godine iznosilo je 6.960 KM.

Kada je riječ o isplatama stipendija a to su stipendije koje obezbjeđuje Kantonalno Ministarstvo za boračka pitanja u ovoj godini isplaćeno je 17.200 KM, a u istom periodu prošle godine 29.700 KM, tu je bila riječ o zaostalim obavezama koje su se odnosile na kantonalno Ministarstvo i boračko i Ministarstvo za obrazovanje.

Kada je riječ o ostalim transferima pojedincima izvršenje u ova prva tri mjeseca 2017.godine iznosi 12.472 KM, a u istom periodu prošle godine iznosilo je 5.820 KM.

Ono što je evidentno u odnosu na isti period prošle godine, to se odnosi na posebne namjene, odnosilo se na elementarnu nepogodu, odnosno poplavu iz 2014.godine, tu smo imali izvršenje u periodu prošle godine 178.000 KM, u ovoj godini nije bilo prebacivanja novčanih sredstava za te namjene.

To je ukratko obrazloženje što se tiče tekućih transfera, razlika u odnosu na isti period prošle godine i ove.

Kada je riječ o kapitalnim transferima, tu smo imali realizaciju projekata od vodnih naknada po odobrenim sredstvima iz prošle godine. U prošloj godini nismo imali i zbog nemogućnosti izvršenja pojedinih projekata tako da smo realizacija od prilike 67.000 imali u ovoj godini i isplatu novčanih sredstava po tim projektima i 27.000 KM rekonstrukcija, sanacija i održavanje infrastrukture i održavanje puteva u 2017.godini.

Kada je riječ o namjenskim sredstvima, vidjeli ste pismeno obrazloženje o namjenskom utrošku sredstava, obrazac broj 9 i tu imamo pojedinačno obrazloženje svih stavki koje smo imali namjenski i ono što je utrošeno i ono što je neutrošeno ako bude potrebe možemo iščitati. Između ostalog tu je riječ i ovo pitanje dopredsjedavajućeg o utopljavanju zgrade Doma kulture, zatim put u Moševcu Karačinac-Mlinište i sve ono što smo naveli. Mogu taksativno navesti imamo dio novčanih sredstava za KGZ, zatim utopljavanje Doma kulture, ovaj put koji se vodi, zatim određene projekte koji se vode za zatvaranje deponije «Nekolj», zatim novčana sredstva od Kantonalne uprave CZ, sredstva za održavanje šuma, neutrošena sredstva koje je uplatilo Privredno društvo «Mapex» vezano za koncesiju za crpilište vode na Omerdinom polju, kod nas se vode na namjenskom računu i striktno se vodi računa o namjenskom trošenju tih sredstava.

To bi bili odgovori na ova postavljena pitanja.

**Vijećnik Hajrudin Ferić**, da li je tolika procedura da se spomen obilježje na Omerdinom Polju ne može da uradi za godinu dana za 2.500 KM.

**Općinski načelnik Mirsad Mahmutagić**, izvinjavam se što sam preskočio, ni meni nije jasno zašto je toliko stalo. Imali smo sastanak sa predstavnicima Udruženja porodica šehida i ide i to u realizaciju vrlo brzo. Idemo u izbor izvođača, imaju još neka idejna rješenja i odabrat ćemo ono što bude prihvatljivije i ide sigurno u realizaciju. Tačno je da stoje te pare i nama nije više jasno zašto se ta namjenska sredstva toliko vukla kroz Budžet.

Ono što mi sad potenciramo jeste da namjenski novac ide što brže u realizaciju, nema potrebe da stoje na računu nemamo nikakvog efekta od njih.

**Predsjedavajuća OV**, zaključujem raspravu obzirom da se radi o Informaciji možemo samo kontaktovati da :

**- Prima se k znanju Informacija-Periodični finansijski izvještaj Budžeta/Proračuna Općine Maglaj za period 01.01.-31.03.2017. godine.**

Ovi termini o kojima ste govorili gospodine Jašiću rekli ste da ćete o njima govoriti kasnije kroz inicijative, tako da ne stavljam taj prijedlog na glasanje.

## **AD - 2. Prijedlog Program poticaja u poljoprivrednoj proizvodnji općine Maglaj za 2017. godinu;**

**Predsjedavajuća OV**, u skladu sa zaključkom Općinskog vijeća održana je javna rasprava, odnosno otvorena je javna rasprava u trajanju od 10 dana. Sastanak sa Komisijom za poljoprivredu je održan i imamo i zaključke Komisije koji će biti izneseni.

Otvaram raspravu

**Vijećnik Mustafa Bešić**, Komisija za poljoprivredu, šumarstvo i vodoprivredu održala je sastanak 25.04. 2017.godine, na kojima je razmatrala i ovu tačku dnevnog reda. Komisije je donijela zaključke koje ću pročitati.

1. Usvaja se prijedlog Programa poticaja u poljoprivrednoj proizvodnji za 2017.godinu sa navedenim primjedbama i sugestijama od strane Komisije za poljoprivredu, vodoprivredu i šumarstvo OV Maglaj, s obzirom da nisu dostavljene primjedbe i sugestije od strane ostalih relevantnih Udruženja, Zemljoradničkih zadruga, poljoprivrednih proizvođača i ostalih građana u ostavljenom roku od 10 dana.

2. Primjedbom od strane Komisije predloženo je da se promjeni uvodni dio Programa poticaja u poljoprivrednoj proizvodnji za 2017.godinu, te da se u Općim uvjetima izbriše stavka koja se odnosi na maksimalnu visinu poticaja po jednom poljoprivrednom gospodarstvu/gazdinstvu i/ili klijentu odnosno registriranoj poljoprivrednoj djelatnosti kao obrtu, jer je u svakom sektoru već navedeno da visina poticaja može biti i manja po jedinici mjere, ovisno od broja zaprimljenih i odobrenih zahtjeva.

3. Primjedbom od strane Komisije predloženo je da se iz stavke 2.3. koja se odnosi na Uzgoj kornišona odredi visina poticaja na osnovu zasnovane površine i da se umjesto minimalno 0,1 ha (1 dunum) površine, stavi 0,05 ha (0,5 dunuma) površine, te da se u istom pasusu promjeni da će se visina poticaja obračunati po jedinici površine, a ne na osnovu ukupne proizvedene količine predane registriranom otkupljivaču.

Ostalo smo naveli u obrazloženju ima u prijedlogu.

Ja kao vijećnik želim da napomenem da sam i ja jedan od poljoprivrednih proizvođača i prošle godine sam imao štetu imam 400 stabala voćki, imam 2 duluma maline. Sve je komisija odradila, izašla na teren i popisala. Mi

imamo Budžet kakav imamo, ni prošle godine nismo dobili ništa, a izgleda ni ove. Nemoguće je sa ovim Budžetom da pokrijemo kolike su štete bile. U Domislici je sigurno 300 duluma stradalo, kako i ko će namiriti iz kojih stavki. To su ogromne štete. Ja sugerišem Općinskom vijeću, Načelniku ako može da se nađe u slijedećem Budžetu neki iznos da se predvidi za ove probleme. Mi stvarno imamo ogromne probleme. Ja živim od poljoprivrede, nisam mogao spavati 5 dana. Ovo govorim u ime svih ljudi poljoprivrednika i tražit ćemo da se poveća ovo što imamo 162.000 KM za poljoprivredu, to je ništa na ovaj belaj. Bit će teško to namiriti. Interesuje me da li se može nešto povećati ova stavka?

Otvaram raspravu.

**Vijećnik Hajrudin Ferić**, mi ispred Kluba DF imamo jednu kratku sugestiju, u prijedlogu ovog Programa da se izvrše u stavu 1. odjel 1. kad je u pitanju animalna proizvodnja da se izbriše ona rječica «do» 10 feninga. Mislim da nema potrebe da stoji obzirom da već dole na kraju tog pasusa stoji zavisno od finansijskih sredstava, odnosno broja onih koji apliciraju.

Druga sugestija iz Kluba DF je da se zaista i ovo što kolega Bešić spominje a to je i naš stav da se pokuša u realizaciji Budžeta ravnomjerno voditi računa o procentu animalne i biljne proizvodnje u tim poticajima i svi se nadamo da će biti puno bolja, kvalitetnija realizacija nego što je bila 45 ili 46.000 KM i to samo za animalnu proizvodnju, a koliko čujemo u ovoj biljnoj nisu praktično ništa dobili.

Također sam razgovarao i sa kolegom Dunderom, a to je sugestija Kluba DF, da se za iduću godinu u Programu dobro razmisli o tome da se uvede stavka sufinansiranja premija osiguranja gazdinstava jer ove prirodne nepogode koje se dešavaju sve češće, ostavljaju strašno negativne efekte na poljoprivredu i poljoprivredne proizvođače, a mislim da bi se dobrim dijelom dosta toga riješilo poticajno, edukativno da se krene od iduće godine, dakle da se razmisli o svemu tome.

**Vijećnica Selma Avdić**, kao što je već rečeno u ovom Programu poticaja u poljoprivredi da je iznos poticaja za poljoprivredu 142.000 KM.

Prvo iznosim svoj lični stav. U ovoj godini samo da znate za ove proizvođače je izgubljeno od 400 do 500.000 KM. Na nivou Federacije ti iznosi su milionski. Prije 4-5 mjeseci kolega Bešiću, mi smo tražili da se ovaj iznos poveća, vi ste glasali protiv. Zatim, svi znamo da svi ovi poljoprivredni proizvođači moraju biti uvedeni u Registru i da se to odnosi na 60% na animalnu a 40% na biljnu proizvodnju. Navedeni su ovdje svi poticaji i kao što je već to navedeno da je to iznos od pola duluma za proizvodnju kornišona, a prije je bilo po 1 dulumu. Samo želim da postavim pitanje za sve ove zadruge koje kod nas postoje. Da li samo jednom u godini oni mogu da apliciraju na ovaj iznos od 1.100 KM, ili mogu da apliciraju više puta.

**1.** Klub vijećnika SDA ne prihvata prijedlog Program poticaja u poljoprivrednoj proizvodnji općine Maglaj za 2017. godinu u tekstu u kojem je dostavljen.

**2.** Klub vijećnika SDA predlaže da se briše tekst koji je naveden u svim sektorima:“ visina poticaja može biti i manja po jedinici mjere zavisno od broja zaprimljenih i odobrenih zahtjeva“, kako smo to istakli i na prethodnoj sjednici Općinskog vijeća kada se raspravljalo o nacrtu Programa poticaja u poljoprivrednoj proizvodnji općine Maglaj za 2017.godinu.

Ukoliko se prihvata ova naša primjedba i briše tekst koji smo naprijed naveli i citirali iz prijedloga , odnosno ukoliko visina poticaja ne ovisi o broju zaprimljenih i odobrenih zahtjeva, Klub vijećnika SDA će podržati ovaj prijedlog Programa, a u interesu poljoprivrednih proizvođača obuhvaćenih u svim sektorima-oblastima poljoprivredne proizvodnje.

**3.** Da bi nas bolje razumjeli, Klub vijećnika SDA ima za cilj da se potakne razvoj poljoprivredne proizvodnje, obezbijedi što veći broj radnih mjesta u poljoprivrednoj proizvodnji, a nikako da poljoprivredni proizvođači koji žele da šire i razvijaju poljoprivrednu proizvodnju budu sankcionisani, te da se smanjuje visina poticaja po jedinici mjere u određenom sektoru.

**Vijećnik Mustafa Bešić**, što se tiče kolegice Selme, ja bih najviše volio da je 500.000 ili milion KM poticaja za poljoprivredu, zato što sam i ja taj. Ali imamo li mogućnost da opredijelimo toliko para. Ima načina, zamolio bih kolegu Dundera da mi kaže da li se mijenjala stavka za poljoprivredu. To je isto bilo i za prošlu i prethodnu godinu.

**Dragomir Dunder**, prihvatom sugestiju iz Kluba DF da je ova riječ «do» višak. Zašto smo stavili takvu stavku da visina poticaja može biti manja po jedini mjere zavisno od ukupne količine mlijeka, iz razloga kako bi ograničili sredstva , znači 142.000 KM i zato što uvažavajući prethodne zaključke Vijeća da se ispoštuje ona forma od 60 i 40% u korist animalne proizvodnje, da se držimo toga jer imamo prenošenje proizvodnje, da se ipak ispoštuje poticaj.

Kad su u pitanju premije osiguranja, to je jako dobra ideja da u idućoj godini i to uobzirimo i o tome ćemo razgovarati.

Zadruge mogu aplicirati tako je predviđeno. Visina ovih poticaja koja kaže iz tih razloga ne može biti veća , zato što su sredstva ograničena. Ja se nadam da se biti realizacija ove godine 100%.

Ja znam da je prošle godine bila isplata prva dva kvartala mlijeka negdje oko 30-tak tisuća KM.

**Predsjedavajuća OV**, nakon usaglašavanja sa dopredsjedavajućim bio je samo jedan konkretan prijedlog brisanje riječi «do» 10 feninga i prijedlog, ovo su bile sugestije, odnosno traženi su odgovori od Službe. Mislim da su svi vijećnici zadovoljni dobijenim odgovorima, uz ovu sugestiju dajem na glasanje prijedlog

## Z A K L J U Č A K

**2.1. USVAJA SE Program poticaja u poljoprivrednoj proizvodnji općine Maglaj za 2017. godinu, uz izmjenu u tekstu Programa – Briše se riječ «do» u stavu 3 odjeljka i posebnih kriterija po vrstama proizvodnje, tačka 1 animalna proizvodnja – proizvodnja sirovog kravljeg mlijeka.**

**Glasalo je 14 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik), Elvir Vehabović (SBIH), Josip Jurišić (HDZ).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

**AD – 3. Prijedlog Programa utroška sredstava – poticaja u zapošljavanju mladih poduzetnika za 2017. godinu;**

**Predsjedavajuća OV**, vezano za ovu tačku dnevnog reda zasjedala je Komisija za pitanje mladih iznijet će svoje zaključke. Ovdje je i član Komisije gospodin Armin Hrnjić.

**Vijećnik Armin Hrnjić**, Komisija za pitanje mladih i ravnopravnost spolova održala je sastanak 09.05.2017. godine, razmatrala je Prijedlog Programa utroška sredstava – poticaja u zapošljavanju mladih poduzetnika za 2017. godinu i donijela slijedeće zaključke:

**2.2. Komisija predlaže Općinskom vijeću da se u narednom periodu poveća iznos poticaja za mlade poduzetnike, kako bi se stvorila mogućnost za većim brojem korisnika, te da se ostvarena sredstva od 3.000-5.000 KM obavezno detaljno pravdaju po načelu transparentnosti.**

**Vijećnica Kanita Bašić**, Klub vijećnika SDA ne podržava prijedlog Programa utroška sredstava – poticaja u zapošljavanju mladih poduzetnika za 2017. godinu., zato što u prijedlogu programa nije definisano da li se radi o mladim poduzetnicima, o prvom zapošljavanju ili svim zainteresiranim za pokretanje biznisa.

Odnosno navedeno je da se tu radi o potencijalnim mladim poduzetnicima bez obzira na godine starosti. Nas zanima koje su to godine starosti, razlog zbog kojega se mogu svi prijaviti za taj poticaj, da to ne bi bio poticaj za zapošljavanje mladih poduzetnika, nego poticaj za zapošljavanje svih onih koji žele biti poduzetnici.

1. Klub vijećnika SDA predlaže da se u poglavlju 4. „obaveze korisnika programa“ i 2. Promijeni tekst i da glasi: „korisnik je i da će najmanje 24. mjeseca od dana odobravanja sredstava imati registrovanu djelatnost koja je predmet ovog ugovora“, te da se kod obaveza Općine u tački 2. Mijenja tekst u dijelu koji se odnosi na iznos visine poticaja i da se definiše da je to iznos od 5.000,00 KM, a ne od 3.000-5.000,00 KM, kako je to navedeno u prijedlogu teksta.

2. Klub vijećnika SDA predlaže da se ne ograničava broj navodnih potencijalnih korisnika ukoliko se u postupku kandidiranja pojavi više kvalitetnih biznis planova, te da se razlika sredstava obezbijedi sa drugih pozicija, kao što su budžetska rezerva, poticaji za razvoj privrede i sl.

**Predsjedavajuća OV**, prvo ste iznijeli stav da ne podržavate ovaj Program, pa ste predložili izmjene u ovom Programu, nije mi jasno.

**Vijećnica Kanita Bašić**, ukoliko bi se uvrstile ove promjene onda bi glasali za ovaj Program.

**Vijećnik Hajrudin Ferić**, i mene malo iznenađuje stav SDA na današnjoj sjednici Vijeća i kad je bila ova prethodna tačka, a evo i ova o mladima. Razumijemo da ima zaista puno dilema i puno nejasnoća u tekstovima, ali bio je jedan period javne rasprave, bile su i konsultacije i sasvim je logično bilo očekivati konstruktivne nekakve prijedloge itd. da se ugrade u ovaj konačni prijedlog. Ja koliko znam nije došlo ništa u tom periodu koji je bio propisan. Naravno da i mi možemo ovdje da iznesemo dosta i pitanja i dilema i tu je i vijećnik iz Komisije za mlade, koji kaže treba da ide prema načelnima transparentnosti i ja želim da kažem zaista treba da ide. I mi smo bili u dilemama zašto 3-5.000 KM. Ali šta ulazi u tih 3.000 KM, šta je sve uvršteno, jesu li to neto plate, jesu li to doprinosi, ili su to troškovi otvaranja firme, ako je to otvaranje d.o.o. onda je to 1.000 KM pologa + sudski i administrativni troškovi. Ako je to otvaranje obrta, onda je to puno manje sredstava itd. Ovo je prvi put da imamo koliko-toliko kvalitetan za početak program i mislim da treba biti prilično konstruktivan u predlaganju ovih izmjena, dopuna, poboljšanja samog teksta i naravno u ovom periodu koji je propisan. Žao mi je što nije bilo tih vaših prijedloga u ovom periodu koji je bio propisan.



**Vijećnik Safet Jašić**, u ime Kluba SDA se izvinjavam, jedina greška gospođe Bašić je bila što je unaprijed rekla da ne podržavamo Prijedlog, a tačno pod tačkom 2 i 3 decidni su prijedlozi i trebala je prvo pročitati sve ove prijedloge, i onda ako se ne prihvati prijedlog, nećemo podržati ovaj Program. Ništa drugo nije greška.

**Predsjedavajuća OV**, želim ukazati svim klubovima da je evidentan nedostatak učešća svih političkih subjekata kada je javna rasprava u pitanju. Dođemo na Općinsko vijeće i onda bi mijenjali kompletan materijal, mislim da se ne koriste javne rasprave, onako kako to politički subjekti trebalo da urade, da se pojave na javnoj raspravi i da dostave svoje prijedloge u pisanoj formi kako bi sve te izmjene ušle u konačan materijal. Ja vas molim da ubuduće kad otvaramo javnu raspravu uzmete aktivnog učešća na samoj javnoj raspravi kako bi rezultat svakog materijala bio mnogo bolji.

Sugestija službi: Prilikom dostavljanja materijala za Općinsko vijeće, a kod uređivanja prve stranice koja je prateći akt vašeg materijala, poželjno je da ne stoji memorandum Općinskog vijeća, jer ne može službenik Općine potpisati akt Vijeća, tako da bi najbolji način u pripremi materijala bilo da uputite pismo sa zaglavljem Općinskog načelnika, odnosno Službe, da tu napišete šta dostavljate, a u prilogu materijal. Samo da ne dođe do konfuzije ko je pripremao, ko je izrađivao materijal?

**Općinski načelnik Mirsad Mahmutagić**, ja bih volio da govorim kao općinski vijećnik. 12 godina sam ja sjedio u ovim klupama kao općinski vijećnik i vrlo dobro znam kako funkcioniše Klub SDA...

**Vijećnik Safet Jašić**, replika

**Vijećnik Hajrudin Fermić**, ... predlažem da se poštuje Poslovnik i Etički kodeks, kad se koriste riječi za ovom govornicom i da poštujemo jedni druge.

**Vijećnica Selma Avdić**, učestvovala u diskusiji.

Pauza 5 minuta.

**Predsjedavajuća OV**, molim predstavnika koalicionog bloka da iznese prijedlog zaključka.

**Vijećnik Armin Hrnjić**, stav koalicionog bloka i prijedlog zaključka je da se u tekstu Programa za narednu 2018. godine pokuša finansijski uobziriti i ova lica koja dobiju ove poticaje za 2017. godinu, a pokažu se kao uspješni u realizaciji.

**Ferhat Bradarić**, aktivnosti koje su bile između ove dvije sjednice, Služba je po zaključku Vijeća postupila, raspisala javni poziv i ostavila 15 dana za dostavljanje pisanih sugestija, prijedloga i primjedbi. Na javnoj raspravi ostavljena je mogućnost da se kroz aktivno uključivanje i iznošenje vlastitih mišljenja daju prijedloge. U službu nisu došli nikakvi pismeni prijedlozi, sugestije niti primjedbe na nacrt dokumenta. Na javnoj raspravi bilo je 9 učesnika, otvorila se jedna diskusija po pitanju dokumenta i bilo je 5 konkretnih primjedbi. Mi smo došli do saznanja da je teško definisati tu starosnu dob do 35 godina, da li to znači da neko sa 36 godina nema pravo da aplicira, to je za neku dublju analizu... Stav službe je bio da ne preciziramo taj vremenski život.

Kad je u pitanju da li 12 ili 24 mjeseca i stav Službe je da je period od 24 mjeseca prilično dug i niko ne garantuje da će sutra kada neko pokrene biznis, da će taj biznis i ostati...

Nismo precizirali kroz Program da možda petočlana komisija bude ispred Službe, Biroa i predstavnika Udruženja poduzetnika kojih nema danas i neko iz kategorije mladih da bude. Da se to kao takvo zaključkom definiše i da još jednom definišete taj vremenski period kad da mi to raspišemo, da li odmah ili nije to definisano.

**Predsjedavajuća OV**, zaključujem raspravu i dajem na glasanje

Prvi prijedlog zaključaka iznesen od strane SDA

**Glasalo je 11 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ), Josip Jurišić (HDZ).

**Glasalo je 13 protiv** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBIH).

Konstatujem da prijedlozi izneseni od strane SDA nisu usvojeni.

Stavljam na glasanje prijedlog zaključaka koje je iznio gospodin Hrnjić a vezano za sugestiju za 2018. godinu

**Glasalo je 14 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBIH), Josip Jurišić (HDZ).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

Dajem na glasanje prijedlog gospodina Bradarića da se imenuje Komisija za praćenje Programa koju će činiti predstavnici Službe, Biroa, i predstavnika Udruženja poduzetnika, mladih poduzetnika, koju će imenovati Općinski načelnik, dajem na glasanje prijedlog zaključka.

**Glasalo je 14 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik), Elvir Vehabović (SBIH), Josip Jurišić (HDZ).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

Konstatujem da je usvojen

## Z A K L J U Č A K

**3.1. USVAJA SE Program utroška sredstava – poticaja u zapošljavanju mladih poduzetnika za 2017. godine uz sugestiju da se prilikom izrade teksta Programa za 2018. godinu pokušaju uobziriti i razraditi kriteriji koji bi omogućili nastavak finansijske podrške dobitnicima poticajnih sredstava za 2017. godinu, ako se ocijeni da je opravdano.**

**3.2. Realizacija Programa treba da počne odmah.**

**3.3. Ovlašćuje se Općinski načelnik da imenuje Komisiju za praćenje Programa koju će sačinjavati predstavnici Službe, Biroa za zapošljavanje, Udruženja poduzetnika i udruženja mladih poduzetnika.**

### **AD - 4. Informacija o stanju i načinu otpisa nenaplativih potraživanja fizičkih i pravnih lica;**

**Predsjedavajuća OV**, na 3. redovnoj sjednici OV donesen je zaključak prema kojem Općinsko pravobranilaštvo treba ponuditi program mjera Općinskom vijeću kako otpisati loša i nenaplativa potraživanja fizičkih i pravnih lica koja više ne egzistiraju a ukoliko za to postoji zakonska osnovica.

Otvaram raspravu.

**Vijećnik Adis Abdurahmanović**, Klub vijećnika SDA ne prihvata Informaciju o stanju i načinu otpisa nenaplativih potraživanja fizičkih i pravnih lica, zato što u dostavljenom materijalu za OV stoji samo informacija, a ne u punom tekstu koja je to informacija i iz razloga što predlažemo da se u ovoj informaciji ne navodi koja su to fizička i pravna lica čija potraživanja treba otpisati, iznos svih nenaplativih potraživanja pojedinačno po predmetu ili ukupan iznos nenaplativih potraživanja od fizičkih i pravnih lica, te predlažemo da se ova informacija vrati na doradu.

**Vijećnica Svjetlana Zamboni**, Klub SDP-a predlaže da se postupi u skladu sa sugestijama iznesenim u informaciji pravobranilaštva tj. da se pokrene realizacija kako bi se što prije dobio uvid u stvarno stanje a nenaplativa potraživanja i otpisala.

**Vijećnik Hajrudin Ferić**, mi smo o ovoj temi malo više razgovarali i na Kolegiju Općinskog vijeća koji je bio u funkciji pripreme ove sjednice i dogovorili smo neke korake kako da radimo. Tada smo i preformulisali ovu taku ona je predložena kao prijedlog programa, pa smo rekli da idemo kao informaciju. Informaciju ćemo primiti k znanju, ali smo se dogovorili da bude jedan zaključak da prije bilo kakvih eventualno konkretnih poduzetih mjera i radnji prema Sudu, kad su u pitanju ove obaveze oslobađanja se konsultuje Općinske vijeće uz prethodno pripremljeni materijal po kategorijama i obimu visine dugova. Tako da mi budemo prethodni filter za sve ovo. Tu su različite kategorije i o tome razgovarali na Kolegiju. Važno bi svima nama bilo da tu po bilo kom osnovu neke ne prođe, ko ne bi trebao da prođe u tom postupku oslobađanja ili otpisivanja tih obaveza prema Budžetu, a prema izvršnim sudskim presudama.

Mislim da je ovo jasno i da smo se tako dogovorili na Kolegiju, ali ako ja nisam dobro razumio volio bih da još neko pojasni. Mi ćemo prihvatiti Informaciju k znanju.

**Nermina Botonjić**, ja bih jedino istakla vezano za primjedbe Kluba SDA, da su trebali biti dostavljeni pojedinačni iznosi i za lica od kojih je eventualno nemoguće naplatiti dugovanja.

Ja bih podsjetila kroz izvještaj Općinskog pravobranilaštva prema predsjednicima Klubova da je dostavljena kompletna lista izvršnih postupaka koje Općinsko pravobranilaštvo, kao zakoniti predstavnik u ime Općine Maglaj kao tražilac izvršenja vodi postupak kod nadležnih sudova. Mi smo stranka u postupku i pokušavamo u svakom od tih izvršnih postupaka. Na tom se temelje na izvršnim i vjerodostojnim izjavama, a mi pokušavamo naplatiti dug. Dugovi se ne mogu naplatiti oni su evidentirani kao takvi kod naše Službe kao zaduženja, najčešće u slučajevima koje sam ja navela u informaciji. Znači kad su lica umrla, kad su preregistrovali firme, kada nema imovine, kada nema ni plaće ni penzije kod fizičkih lica. I samo u takvim slučajevima za takve slučajeve Općinsko pravobranilaštvo i nadležna Služba su predložili i na Kolegiju smo rekli samo u takvim slučajevima smo rekli da mi kod okončanja postupka kad je postupak završen, kad je donesen zaključak, ali na osnovu njega je nemoguće u

Službi taj dug eliminisati, da u takvim slučajevima uradimo to i da obavijestimo Vijeće, bilo unaprijed da Vijeće da suglasnost ili naknadno, to je do vas odluka.

U takvim slučajevima smatra se da imate neku dilemu, to će biti dugo vođeni postupci. Mi imamo predmeta iz 2002.godine koji se vode iz razloga da su stranke, umrle, preregistrovane firme ili sud nije zakazao. To je ono što mi svake godine kroz izvještaje navodimo. Jedan duži period ni Sud nije bio ažuran, sad imaju tri sudije pa su nešto ažurniji, ali stari predmeti iskreno nisu ni aktivni. Sud jednostavno ne zakazuje. Mi bi trebali imati zaključak i da službu obavijestimo da takav dug briše.

**Općinski načelnik Mirsad Mahmutagić**, mislim da je jasno da neće ići ništa bez Vijeća. Želim zbog vijećnika i javnosti reći jednu stvar da raščistimo. Pošto nemamo drugih filtera, ovdje na Vijeće neće doći niko ko je preregistrovao firmu a egzistira pod nekim drugim imenom. Dakle, neću ja pustiti dalje na Vijeće. Dok postoji šansa da se naplati zakonom ono što se dužno, neće proći niko ko zamijeni firmu i misli ja nisam više dužan nikom ništa. Dužan sam sve dok ne izmirim dugove. To hoću zbog javnosti da se zna da ovaj filter neće proći ni jedna firma koja se preregistrovala i promijenila ime, ja neću biti suglasan da to ide. Mislim da to pravobranilaštvo radi, to ide u dalju proceduru pa ćemo vidjeti kako će se završiti.

**Predsjedavajuća OV**, zaključujem raspravu i predlažem

**- Prima se k znanju Informacija o stanju i načinu otpisa nenaplativih potraživanja fizičkih i pravnih lica uz sugestije.**

## Z A K L J U Č A K

**4.1. Da se prije preduzimanja aktivnosti od strane Općinskog pravobranioca na obustavi izvršenja neuplaćenog duga kod izvršnih sudskih presuda u slučajevima kada je izvjesno da je to nemoguće učiniti iz određenih razloga prethodno dostavi spisak takvih lica i pravnih osoba Općinskom vijeću Maglaj sa navedenim razlogom nemogućnosti naplate duga.**

**AD - 5. Razmatranje Programa održavanja, sanacije i uređenja lokalnih i nekategorisanih puteva sa finansijskim pokazateljima za 2017. godinu, uz Izvještaj za 2016. godinu;**

**Predsjedavajuća OV**, otvaram raspravu

**Vijećnik Edib Delić**, Klub vijećnika SDA je razmatrao ponuđeni Nacrt Program održavanja, sanacije i uređenja lokalnih i nekategorisanih puteva sa finansijskim pokazateljima za 2017. godinu. Ovaj nacrt je dobra osnova za javnu raspravu. Drago mi je što je program ugledao svjetlo dana, i mi kroz javnu raspravu trebamo se potruditi kako bi bio što kvalitetniji. Predložiti ćemo par stvari koje bi po nama trebale ući u ovaj program.

Potrebno je obraditi određene putne pravce koji će biti sanirani i rekonstruisani, znači da se tačno zna i koji su to putni pravci.

Potrebno je također ubaciti putne pravce koji će biti obuhvaćeni u zimskom i ljetnom održavanju.

Potrebno je ubaciti izgradnju eventualno ili sanaciju određenih mostova itd. da ne nabrajam.

Znači trebalo bi ubaciti i one stvari koje su vidljive iz izvještaja za 2016.godinu.

Klub SDA će podržati izvještaj o realizaciji programa redovnog održavanja i rekonstrukcije lokalnih i nekategorisanih cesta na području općine Maglaj za 2016.godinu.

**Predsjedavajuća OV**, u tački dnevnog reda stoji da razmatramo Program za 2017. Godinu. Ja nisam učestvovala u pripremi na Kolegiju OV, mislim da je gospodin Jašić bio prisutan i da se tačka zove Program održavanja, sanacije i uređenja lokalnih i nekategorisanih puteva sa finansijskim pokazateljima za 2017. godinu, da nije u nacrtu.

**Vijećnik Safet Jašić**, obzirom da gospođa Predsjedavajuća nije bila na Kolegiju, a svi ostali su čuli kad sam ja rekao da neću učestvovati u radu Kolegija, i da ću biti suzdržan po svim tačkama i iz tog razloga ovaj materijal doživljavam kao nacrt. Vama je jasno zašto nisam htio diskutovati i neću ni ubuduće ukoliko se prema nama bude ponašalo na ovakav način. Ja ovaj materijal doživljavam kao nacrt i nikako drugačije.

**Vijećnica Svjetlana Zamboni**, Klub SDP-a razmatrao je dostavljeni materijal. Iznijeti ću stavove Kluba. Prvo ću se osvrnuti na dostavljeni Izvještaj za 2016. godinu. Dostavljeni Izvještaj o realizaciji pomalo je besmisleno komentarisati i razmatrati ga na ovoj sjednici Općinskog vijeća, obzirom da prošli saziv Općinskog vijeća nije usvojio skoro nikakav program realizacije sredstava za ovu kategoriju. Ono što se iz dostavljenog materijala pak moglo zaključiti jeste da je rad i utrošak bio neplanski sa samo jednim ciljem a to je podrška predizborne kampanje vladajuće stranke u navedenom periodu. Posmatrajući datumski realizaciju utroška sredstava sasvim je jasno zašto i kako. Realizacija počinje 1.7.2016.godine a završava se 21.09.2016.godine, baš prikladno uzimajući u obzir vrijeme održavanja lokalnih izbora. U navedenom periodu utrošeno je 173.000 KM od cca 220.000 KM. Sva sredstva utrošena su u tri mjeseca predizborne kampanje.

Klub SDP-a zahtijeva da se općinskom vijeću dostavi na uvid detaljna analiza utroška namjenskih sredstava za sanaciju, izgradnju infrastrukturnih objekata, kao i analizu utroška sredstava iz Budžeta Općine Maglaj za sanaciju, izgradnju infrastrukturnih objekata, puteva, igrališta, kanalizacija, vodovoda, klizišta itd.

Od Općinskog načelnika tražimo da formira komisiju koja će na terenu izvršiti kontrolu urađenih infrastrukturnih objekata sa količinama iz ugovora i usaglašenim količinama za plaćanje odnosno fakturisanje u iznosima.

Zbog svega navedenog Klub SDP-a neće podržati Izvještaj za 2016.godinu, a od Općinskog načelnika očekujemo obzirom da se radi o Programu da nam ovdje izdvoji prioritete tačke za održavanje i sanaciju lokalnih i nekategorisanih puteva za 2017.godinu.

**Vijećnik Hajrudin Ferić**, Predsjedavajuća je tako lijepo iznijela stav Kluba SDP-a po pitanju Izvještaja mi iz Kluba DF potpisali bi ga bjanko. Međutim, šta je problem? Problem je što će isto ovo u martu iduće godine govoriti Klub SDA za ovog Načelnika za ovu Službu i nama naravno ukazivati na određene primjedbe i probleme. Nama je najlakše i da kažem ovdje u kameru, ja volim kritikovati prošlu vlast, na kraju krajeva zato i jeste na izborima praktično izgubila i svima nam je dosta bilo tog netransparentnog odnosa prema budžetskim sredstvima, nepoštivanja vijeća, nepoštivanja zakona itd., ali upravo iz tih razloga mi iz Kluba DF osjećamo da mora biti malo drugačije i bolje nego što je bilo. Znamo da ne može ništa preko noći da se okrene. Tu je šef Službe resorne i vrlo dobro zna da je Zakon o cestama donesen 2010. godine, da su doneseni Pravilnici, Uredbe koje jako jasno i transparentno propisuju sve procedure, postupke i obaveze u pogledu kompetencija, službi, općinskog načelnika, općinskog vijeća i o onim kako se u zakonima govori upraviteljima itd. Činjenica je da je ono što je najkvalitetnije urađeno u Federaciji, a sedam godina nikad ništa nije urađeno. Jednom je bila informacija o stanju lokalnih i nekategorisanih cesta 2013. godine, gdje su tako lijepo jasno i decidno pomenute sve dionice, lokalni i nekategorisanih puteva i stanje na tim putevima. Ovo govorim zato što ovaj ponuđeni Program, ali program onaj ko bude glasao za ovu ja ću mu skinuti kapu i reći svaka vam čast...

Bojim se Načelnice da iz Službi zaista aljkavo to pripremaju i bojim se da će se desiti ovo što sam rekao na početku da ne samo SDA kritikuje u martu i aprilu, a to ne smijemo mi dozvoliti da vas kritikuju na ovaj način. Vi morate nešto konkretno preduzeti. Nisu to mala sredstva, govorimo o budžetski planiranim sredstvima od 270.000 KM. Naravno nisu samo ta sredstva, ima sredstava i drugih. Od kad se govori o GSM, o licencama ...

Ovo nije dobro i naravno mi za ovo nećemo glasati, zakon je jasno rekao da sve ovo moramo da donesemo do kraja godine za narednu godinu, pa do 31.marta za tekuću godinu i redovno i zimsko itd. Lijepo piše 50 znakova jel bilo teško staviti da je to tu i na kojem pravcu. Znam da je Načelniku teško, to mu je nova oblast, ali tamo ima eksperata i komisija koji bi trebali i te kako puno to da znaju. Govorim i o svim ostalim programima koji su tu. Mislim da konačno trebamo to uozbiljiti i da trebamo konačno tražiti odgovornost onih ljudi koji pripremaju ovakve programe. Ako se malo analizira vidjet ćemo da iz jedne službe najčešće i najviše vraćamo programa, odluka itd. Nećemo glasati za ovaj program, za izvještaj hoćemo. Zakon je rekao da mi to moramo da donesemo. Nećemo biti destruktivci, ali sam morao da izađem i da kažem iza govornice da tražim odgovornost onih lica iz službi koji na ovako aljkav način ovo pripremaju.

**Vijećnik Benjamin Čičkušić**, iz sjednice u sjednicu ono što meni smeta jeste nismo uradili ovo, vaša vlast nije uradila ovo, nije uradila ono. Pa mi smo svi ovdje vlast ispred naroda, tako ja zamišljam. Moj otac je bio u prethodnom mandatu 12 godina, pa zašto on nije nešto uradio, zašto je radio, zašto naš predsjednik nije nešto uradio, to njega pitajte dat ću vam broj telefona. Nemojte ih spominjati ovdje, pogotovo mog oca, to neću dozvoliti. Druga stvar mene kao mladu osobu, nisam prije imao mogućnost da izađem prije, mene kao mladu osobu u vijeću, predlažem da me niko ne proziva. Ako ima neki problem možemo riješiti riječima, a možemo i fizički riješiti napolju kad god hoćete. Bilo ko. Nemojte me prozivati, jer drugim riječima govorite da sam ja jedan glupan koji sluša jednog čovjeka, koji radi šta mu neko kaže. Ne ja radim kako ja hoću radit. Da sam htio vas slušati Načelnice vjerovatno bih bio u vašoj stranci, u SDP-e ili DF. Ja imam pravo reći šta ja hoću. Nemojte me prozivati, to vas molim.

**Predsjedavajuća OV**, ja vodim sjednicu Općinskog vijeća i držite se okvira tačke dnevnog reda. Molim vas da vodite računa o vokabularu nalazite se na sjednicu Općinskog vijeća.

**Vijećnik Mirza Bradarić**, kolegica Svjetlana je iznijela stav Kluba SDP-a, želim se nadovezati za Program za 2017.godinu. Ovo što je kolega Ferić rekao slažem se. Ja sam malo u dilemi, nisam siguran da ako prihvatimo ovaj Program da ćemo ga zakonski prihvatiti iz jednog prostog razloga. Gospodin Hajrulahović je tu pa ću konkretno njega i pitati. Prije nekih godinu, do godinu i po dana u prošlom sazivu Općinskog vijeća, par puta sam potezao pitanje ležećih policajaca. Konkretno u ulici 1. marta, u ulici Kulina bana itd. Tadašnji načelnik gospodin Mehmed Mustabašić je rekao da ležeći policajci ne mogu doći u obzir jer zakon ne poznaje pojam ležećeg policajca. Tada sam tražio odgovor iz Službe koji nisam dobio. Na osnovu čega je tadašnji načelnik to tvrdio, da li je to tvrdio iz jednog razloga da me onako «skine s dnevnog reda» po pitanju ležećih policajca jer je konkretno u pitanju bila ulica 1. marta ili je zaista opravdano to rekao.

Međutim, sad gledajući ovaj program kaže kolega Ferić koliko znakova, gdje će ti znakovi biti postavljeni itd. Ja sad postavljam pitanje listajući ovaj program strana 6. stav 7. u kojem piše nabavka i ugradnja asfaltne mase za izgradnju «ležećih policajaca» itd. ostala procedura komada 6. Znači u programu stoji nešto što nije zakonito,

barem je prije bilo rečeno. Isto to na zadnjoj strani lot 3. pod tačkom h. kaže nabavka ležeći policajci žuta boja. Ponovo se veže za ležeće policajce.

Pitam vas da li Zakon poznaje pojam «ležećeg policajca» ili ne poznaje. Ako je to legalno, ako je to dozvoljeno graditi, ja bih molio taj odgovor kako bih znao za buduće procedure i stvari koje ću tražiti.

**Fuad Hajrulahović**, bilo bi neozbiljno da ja sad usmeno citiram Zakon i ostalo. Odgovore ćemo dostaviti naknadno pismeno.

Pauza na zahtjev Kluba SDP-a.

**Predsjedavajuća OV**, poslije pauze ispred koalicionog bloka zamolila bih Načelnika da iznese stavove.

#### **Općinski načelnik,**

U toku pauze koju je tražio koalicioni blok, razmišljanja sam da više programa nije sjajno, da trebaju biti konkretizovani. Isto tako sam svjestan da život u gradu i na terenu moraju teći. Iz tog razloga predlažem a kako ne bi zaustavili određene aktivnosti koje moramo u što kraćem roku riješiti, kao što su krpjenja i oštećenja na postojećim cestama.

Ja bih se vratio na ovaj program, ovdje se radi o četiri različita lota. Lot 4 nije sporan, to su lokacije koje su poznate, količine koje su poznate i to je nešto što ide od 15.11. i imamo dovoljno vremena i imamo takvih i primjedbi.

Kad je u pitanju saobraćajna signalizacija, svjesna je služba, svjestan sam i ja a svjesni su i svi vijećnici da predviđena sredstva ne mogu zadovoljiti potrebe. Kad je u pitanju sanacija svih nedostataka u pogledu saobraćajne signalizacije, ali da ova predviđena sredstva moramo znati gdje smo planirali za ovu godinu, iako smo razgovarali unutar općine da su nam prioriteta da riješimo na području školskih objekata i ostalih objekata gdje su masovna okupljanja, sigurno da možemo napraviti konkretan prijedlog i ostaviti 30% tih sredstava za interventnu gradnju po potrebi. Ovo navodim samo zato da kažem da možemo napraviti kvalitetnije programe od onih koji su napravljeni takva je situacija i sa lotom 2 i sa lotom 1. Slična situacija je i sa ostalim programima osim programa održavanja javne higijene. Mislim da tu nije ništa sporno. Postoje potrebe da se nešto doradi i u programu održavanja javnog zelenila i program zbrinjavanja pasa lualica. To je dugogodišnji problem koji nije zadesio samo Maglaj, ali pokušat ćemo ga u Maglaju riješiti. Jedna ekipa iz Maglaja je već boravila na reonu Preslice gdje ima jedan azil za pse i to je u patronatu općine Doboj, tako da ćemo pokušati da uđemo u taj program a za iduću godinu ćemo vidjeti kako i šta možemo.

Ja predlažem da programe iz tačke 5.,6., 8 i 9. budu vraćeni na doradu, a da služba, odnosno Općina nastavi s obzirom da je završen proces javnih nabavki nastavi a aktivnostima koje se odnose na konkretnu sanaciju oštećenja saobraćajnica, a za iduću sjednicu da dostavimo program po kojem će se nastaviti aktivnosti kada se radi o konkretnim dionicama, konkretnim putem pravcima i konkretnim količinama.

Ja bih se samo još osvrnuo obzirom da će se razmatrati Izvještaj o održavanju javne rasvjete sa pokazateljima za 2016.godine. Napomenuo bih da program vam nije dostavljen iz tog razloga što smo u aktivnostima sa UNDP-i oko sanacije ulične rasvjete, tako da zavisi od toga kako ćemo završiti s njima razgovore, kako će ići ovaj program moguće je da ćemo ići u cjelokupnu sanaciju na čitavom području općine Maglaj, možda segmentno, ali dok ne završimo s njima pregovore, može se desiti da ti pregovori i ne budu efikasni, tako da ćemo biti prepušteni sami sebi i onom finansijski, po mogućnostima iz našeg Budžeta. Nadam se da ćemo do iduće sjednice taj pregled imati u potpunosti, tako da bi dostavili sve te doradene programe na slijedeću sjednicu, a da danas Općinsko vijeće razmatra izvještaje iz 2016.godine.

**Predsjedavajuća OV**, zaključujem raspravu po ovoj tački dnevnog reda, te stavljam na usvajanje Izvještaj za održavanje, sanaciju i uređenje lokalnih i nekategorisanih puteva sa finansijskim pokazateljima za 2016.godinu, ko je za:

**Glasalo je 10 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

**Glasalo je 13 protiv** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Ferić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBiH),

**Glasalo je 1 uzdržan** - Josip Jurišić (HDZ).

Konstatujem da izvještaj za 2016.godinu nije usvojen.

Vezano za Program održavanja, sanacije i uređenja lokalnih i nekategorisanih puteva za 2017. godinu, prijedlog Općinskog načelnika na određeni način pomirio stavove koje su iznijeli i Klub SDA i ostali klubovi koji su učestvovali u diskusiji, da se Program vrati na doradu.

**Vijećnik Safet Jašić**, koliko se ja sjećam Predsjedavajuća vi ste rekli da se i programi i izvještaji u paketu rješavaju.

**Predsjedavajuća OV** nisam, rekla sam da se diskusije vode i za program i za izvještaj.

**Vijećnik Safet Jašić**, ako diskutujemo o tome, ako se skidaju programi, nema potrebe da rješavamo izvještaj.

**Predsjedavajuća OV** tačno znam šta sam rekla, pitala sam da diskutujemo i po programu i po izvještaju. Nikada ne usvajamo izvještaj za prethodnu, ili programe za narednu nikad ne glasamo zajedno uvijek ih odvajamo. A vodimo diskusije da dva puta ne izlazimo.

Stavljam na glasanje prijedlog iznesen od strane Općinskog načelnika za vraćanje programa na doradu.

**Glasalo je 13 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik), Elvir Vehabović (SBIH),

**Glasalo je 11 uzdržanih** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA), Josip Jurišić (HDZ).  
Konstatujem da je usvojen

## Z A K L J U Č A K

**5.1. NE USVAJA SE Izvještaj o održavanju, sanaciji i uređenju lokalnih i nekategorisanih puteva za 2016. godinu.**

**5.2. Vraća se na doradu prijedlog Programa održavanja, sanacije i uređenja lokalnih i nekategorisanih puteva za 2017. godinu, odnosno potrebno je utvrditi prioritete zadatke, nakon čega će se Program razmatrati na narednoj sjednici Općinskog vijeća.**

Predložena je pauza za ručak do 14,30 sati.

**AD - 6. Razmatranje Izvještaja o održavanju i sanaciji javne rasvjete sa financijskim pokazateljima za 2016. godinu;**

**Predsjedavajuća OV** otvaram raspravu, s tim da je Načelnik obrazložio zašto se program nije našao na dnevnom redu današnje sjednice.

**Vijećnik Edib Delić**, Klub vijećnika SDA je razmatrao ponuđeni Izvještaj o održavanju i sanaciji javne rasvjete sa financijskim pokazateljima za 2016. godinu i predlaže Općinskom vijeću da se isti usvoji.

**Vijećnik Hajrudin Ferić**, kad je u pitanju Izvještaj želim da kažem da mi nećemo prihvatiti izvještaj, ali imam nekoliko razloga zbog čega to ne želimo i nećemo da prihvatimo i ne bi puno ulazio u to.

Želio sam samo osim ove podrške Općinskom načelniku koji smo već prihvatili da se sačeka vezano za program da iniciram donošenje Odluke o javnoj rasvjeti na području općine Maglaj, da nam se ne dešavaju određene stvari koje su se dešavale ranijih godina. Da se jednostavno stihijski ovo što se dosad dešavalo da pokušamo kroz jednu odluku da utvrdimo neke od kriterija, pravila igre itd. a mislim da ljudi koji se bave i da su od te struke, znaju da je prije mjesec i po dana usvojen i Zakon o energijskoj efikasnosti na federalnom nivou, koji daje određene i obaveze pa i lokalnim zajednicama da uredi sve to naravno u cilju ekonomičnosti, efikasnosti, štednji i finansijskih i svih drugih kapaciteta, pa ne bi bilo loše da se o tome u nekom razumnom periodu razmišlja i o donošenju te odluke. Svi znamo da je situacija bila takva da jednostavno nije bilo nekog posebnog reda. Sjednu dva tri čovjeka dogovore da se krene u izgradnju dijela ulične rasvjete, pa hajde da tražimo finansijska sredstva od strane Općine, pa hajmo poslije toga na budžet kad je u pitanju plaćanje utroška te potrošnje i teško je bilo napraviti reda. Mislim da će i kroz ovaj program koji će nam doći, kao i kroz ovu Odluku bi se regulisala ova pravila igre i u narednom periodu bar koliko toliko uveli reda u ovu problematiku.

**Vijećnica Svjetlana Zamboni**, u ime Kluba SDP-a da ne ponavljam stav, program o utrošku sredstava za sanaciju i izgradnju ulične rasvjete nismo imali 2015.godine, nismo usvajali nikakav program, tako da je besmisleno osvrtni se i na uložena sredstva. Znamo da je Maglaj prethodne dvije godine praktično u mraku za razliku od posljednjih par mjeseci. Stvorena je mogućnost da se ulična rasvjeta sanira. Iz tog razloga klub SDP-a neće podržati izvještaj za 2016.godinu. Još samo jedno pitanje.

Načelnice možete li samo obrazložiti zašto ulična rasvjeta u Ulici srebreničkih žrtava rata već ne radi, a radi se o novoizgrađenoj uličnoj rasvjeti?

**Općinski načelnik**, slažem se sa ovim, napraviti ćemo Odluku koja će obuhvatiti pobliže kriterije za izgradnju novih dionica na području općine Maglaj i naravno o rekonstrukciji i održavanju postojeće ulične rasvjete. To je zaista jedna procjena da Općina Maglaj nije se domaćinski ponašala kada su u pitanju ove instalacije, koliko je linija urađeno u prigradskim naseljima i sve je to vrlo neefikasno i vrlo skupo. Konkretni primjer je na ovoj ulici, kada ste pitali zašto ne gori. Prije dva, tri mjeseca smo isključili ove donje svjetiljke zbog uštede novca. Račun za samo ovu ulicu je bio oko 800,00 KM za jedan mjesec to je previše, opterećujuće a intenzitet rasvjete je takav da je mogla zadovoljiti potrebe samo jedna od dvije sijalice na stubu. Zašto sad ne rade sve to je problem koji se pojavio a nema ni godinu dana kako je ta rasvjeta puštena u funkciju. Cijelo vrijeme strada jedna po jedna sijalica i ja pokušavam, čini mi se da i one koje su ostale u funkciji već pola ih ne radi. To je ono što se nije na vrijeme vodilo računa kao neki mini pilot projekat. Ugradili smo dvije led sijalice u postojeće svjetiljke i mogli ste vidjeti da samo na jednom stubu imate da gori i gornja i donja svjetiljka tu su ugrađene led svjetiljke i sve kad se saberu

nisu ni pola snage jedne postojeće. To je nešto o čemu moramo voditi računa da se grade štedne instalacije. Mi smo prije par mjeseci već krenuli sa takvim projektom, tamo gdje se javljaju sa zahtjevima za urbanističku za izgradnju ulične rasvjete stoji da ne može biti svjetiljka jača od 50 vati na stubnom mjestu i to je sasvim dovoljno da li se radilo o štednoj sijalici ili o led sijalici, a ugradnjom ovih led sijalica, posebno ako napravimo realizaciju ovo što smo podnijeli od UNDP-i projekta potrošnju el. energije bi sveli na sami minimum koštanja utroška el. energije. Mogli bi izgraditi na kompletnom području općine Maglaj svaki sokak i da opet ukupna potrošnja el. energije cijena bude duplo niža nego što je plaćalo 2016. ili 2015. godine. Nešto što je pred nama i što iduće godine mora biti jasno u Budžetu da smo napravili sa uštedama sa energetsom efikasnošću.

**Predsjedavajuća OV**, zaključujem raspravu i stavljam na glasanje prijedlog koji je iznio dopredsjedavajući, da se donese Odluka o javnoj rasvjeti koja će se ticati i kriterija i rekonstrukcije javne rasvjete, te da program koji se bude donio uokviri i doneseni Zakon o energetsom efikasnosti koji je donesen u martu ove godine.

Privi prijedlog zaključka dajem na glasanje koji je iznio Edib Delić .

**Glasalo je 10 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bežić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

**Glasalo je 13 protiv** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBiH),

**Glasalo je 1 uzdržan** - Josip Jurišić (HDZ).

Konstatujem da se Izvještaj za 2016. godinu ne usvaja.

Konstatujem da je donesen prijedlog

## Z A K L J U Č A K

**6.1. NE USVAJA SE Izvještaj o održavanju i sanaciji javne rasvjete sa finansijskim pokazateljima za 2016. godinu.**

**6.2. Daje se u zadatak Načelniku općine Maglaj, odnosno nadležnoj službi da prije kraja kalendarske 2017. godine pripremi i Vijeću dostavi na usvajanje Odluku o javnoj rasvjeti na općini Maglaj, koja će biti usaglašena sa federalnim Zakonom o energetsom efikasnosti u Federaciji BiH.**

**AD - 7. Razmatranje Programa održavanja javne higijene sa finansijskim pokazateljima za 2017. godinu, uz Izvještaj za 2016. godinu;**

**Predsjedavajuća OV**, otvaram raspravu.

**Vijećnica Dženita Smajlović**, Klub vijećnika SDA je razmatrao nacrt Programa održavanja javne higijene sa finansijskim pokazateljima za 2017. godinu, jer je nama ovaj program i dostavljen u formi nacrtu i mi smo ga tako i razmatrali i tretirali. Predlažemo da se na strani 3. stav 6. promijeni tekst i da glasi : „ ukop uginulih pasa lualica sa svim potrebnim radnjama sa cijelog područja općine Maglaj“, znači da se uvrste i ostala područja, ne samo grad. Da se u stavu 9. doda tekst koji glasi : „, čišćenje ulica u užem dijelu čaršije u Novom Šeheru dva puta sedmično i užih jezgra svih naseljenih mjesta, odnosno mjesnih zajednica barem jedan puta mjesečno. Ne vjerujem da su to neka velika ulaganja, a to bi dosta značilo za mjesne zajednice, obzirom da u svakoj mjesnoj zajednici imamo neka uža jezgra, dječije poligone, igrališta, škole itd.

Klub vijećnika SDA prihvata Izvještaj o realizaciji programa održavanja javne higijene za 2016.godinu.

**Vijećnica Svjetlana Zamboni**, ja bih se samo osvrnula na zimsko održavanje gradskih ulica i sugerisala da se u program zimskog održavanja gradskih ulica ugradi i prilazi svim javnim ustanovama, pogotovo prilazi osnovnim i srednjim školama na području grada. Zamolila bih ukoliko postoji mogućnost da se svim kolektivnim zgradama prilazi očiste iako to do sada nije bilo u programima zimskog održavanja gradskih ulica. Dakle, javne ustanove i prilazi kolektivnim zgradama na području grada.

**Vijećnik Hajrudin Fermić**, primijetio sam da u programu stoji zbrinjavanje uginulih leševa itd. ovo što vi govorite. Ja bih samo upozorio da to KJD ne može i ne smije da radi. Postoje tačno propisani uslovi ko, kako, kad i pod kojim uslovima to obavlja i mi moramo da poštujemo taj zakon. Kako će biti komunalno u tome «iskorišteno» to je stvar službi da to sve usklade sa zakonom i svim ostalim uredbama, ako bude to moguće. Nemojte da se igramo s tim, niko tamo bez prethodne veterinarske inspekcije itd. ne može ništa da radi, jesul to nosioci zaraze, tačno je propisano da se ja sad ne ponavljam.

S druge strane, jedan drugi program, evo i održavanje javne higijene i zelenila su usluge koje su ugovorene usluge i gdje postoji tačno propisano kako se po zakonu i vrše kalkulacija, odnosno kako se utvrđuju cijene. Zašto to govorim? Postoji jedna uredba od Vlade FBiH, u kojoj se kaže da što je jako važno mi svakog ljeta imamo taj problem. Treba da se očiste od ambrozije javne površine, ali u toj uredbi stoji da se u općinskom budžetu planiraju sredstva za te namjene. Cijelo vrijeme se povećava obim poslova, a i sad postoji da se sredstva umanjuju u

kontinuitetu za određene usluge. Ovdje treba jednom da sjednemo i razmislimo da službe ne fakturišu komunalnoj, da se ne plati ni jedan fening za nešto što nije urađeno kvalitetno itd. ali isto tako da se i ne umanjuje za nešto što je urađeno i što je izvršeno.

**Vijećnik Mirza Bradarić**, navest ću ovdje jednu lokaciju koja je skoro u samom centru grada. Samo ću spomenuti, pa me interesuje da li se može naći rješenje za taj problem. Na parking kod karingtonke konkretno gdje se nalaze kontejneri, gdje je hrpa šljake, pepela i svog mogućeg ostalog otpada od keramičkih pločica itd. Da li je moguće da se ti termini ne mogu malo povećati jer ovo je bruka i sramota za jedan grad za nešto što se nalazi u samom centru grada. Prije nekoliko dana iza Doma kulture je otvoren jedan restoran. Imamo voćarske radnje, apoteka je tu, parking je tu, zaista je taj dio grada jako frekventan svaki dan. Iz tog razloga, pitam Načelnice i vas, pitam direktoricu Komunalnog, šefa Službe za urbanizam. Da li je moguće iznaći bilo kakvo konkretnije i bolje rješenje? Da li je moguće da se sanira, da se izgradi neki konkretan prostor privremeni prostor za odlaganje onog otpada? I da li je moguće da ona zelena površina koja se nalazi kod tog pepela prema Hotelu da se naspe, možda i kamenom, da se napravi još dodatni parking kako bi ono poprimilo nekakav ljepši, kulturniji, pedantniji i u svakom slučaju higijenski. Ono je ruglo u centru grada a tiče se javne higijene.

**Općinski načelnik**, čini mi se da ima malo kolizije u dostavljenom materijalu i ono što je konkretno prije svega za ugovor između Općine i KJD. Novi Šeher se od početka decembra čisti dva puta sedmično, čisti se i dan danas i ulazi u program i Novi Šeher i povremeno čišćenje gradine i Bistrice. Ja se slažem sa ovim dijelom što je rekao Ferić za to neko stalno dodavanje količine poslova na račun komunalnog. Do sad smo išli na neka prebijanja i jutros smo razgovarali sa direktoricom komunalnog ima li potrebe da u toku godine napravi jednu novu analizu. Evo već je 13 godina ovakav način. Za 13 godina bilo je svakakvih promjena i gorivo je poskupilo i bilo preskupo i jeftinije, a cijena nije mijenjana. Ima potrebe da se to izdefiniše. Ono što ja stalno ponavljam ne treba niko ničiju marku uzeti od onog što je zaradio, niti treba uzeti iz Budžeta ni marku nezarađenu. Hoću samo da napomenem i Novi Šeher i gradina i Bistrice se nalaze tu. Bit će i ova Odluka o komunalnom redu, obuhvatit ćemo čitavu općinu sa odvozom smeća. Ovo što je vijećnik Bradarić govorio, kad se radi o šutu, otpadu poslije građevinskih poslova, to je nešto što nije uvršteno u program KJD da to radi. To treba da radi inspekcija, onaj ko je renovirao stan, objekat ili bilo šta radio ne može u po grada ostaviti kao neko će to odvući.

**Amira Zukić**, direktorica KJD d.o.o. Maglaj kao što vidimo jedino iz Komunalnog su došli, što smo zainteresovani da realizujemo ovaj program i jedini nam je to cilj i interes. Jedna od djelatnosti kojima se bavi KJD je održavanje gradske higijene na području općine. Željela bih da kažem svo smeće nije komunalno smeće i drago mi je što je rekao Načelnik da ne treba gledati da sve komunalno odvuče, jer građanima prelazi u naviku i kažu to će komunalno odvući. Ja bih rekla ovdje sve želje koštaju i program je 100.000 KM, a ne može se sve uklopiti. Jutros smo imali sastanak i rečeno mi da ćemo vidjeti da iskalkulišemo sa zelenilom pa da se nešto prebaci u dio zelenila, odluka će biti na Općinskom vijeću, a sredstva su već predviđena 100.000 KM. Možda se mogu budžetom predvidjeti neka sredstva za divlje deponije, za sanacije po gradu. Bez obzira što komunalno nije zaduženo za dio grada i za čišćenje mi to odradimo, izlazimo svim mjesnim zajednicama u susret. Jedini interesni cilj komunalnog jeste da proširi djelatnosti da svo smeće bude lagerovano na jedno mjesto i nikad ne postavljamo pitanje i kad se prikuplja organizovano smeće i po mjesnim zajednicama i što dovoze to smeće po kontejnerima po gradu ili po mjesnim zajednicama koje su organizovane u odvoz smeća. U Odluci o komunalnom redu tačno je definisano da prilazi javnim ustanovama, zgradama dužni su da održavaju građani i uposlenici, međutim na svaki poziv od svakog vijećnika, građanina gdje god smo mogli poslije odrađenog redovnog dijela posla išli smo da i to odradimo. Saobraćajnice se odrade, ali ne mogu se parkirati vozila i onda se žale. Nije to saobraćajnica, to su parking prolazi, a uvijek odradimo i te parking prolaze van redovnog održavanja. Sve želje treba da se stave u program ali onda treba da se kaže da to nije 100.000 KM, nego 124.000 KM koliko i jest program održavanja.

**Vijećnik Mustafa Bešić**, ja sam na prošloj sjednici postavio vijećničko pitanje vezano za odvoz smeća. Mi u mjesnoj zajednici uspjeli smo realizovati odvoz smeća uz pomoć direktorice Komunalnog. Do sad je potpisano 150 domaćinstava za organizovani odvoz smeća.

Koliko će biti odvoz smeća po članu, ovo pitam samo radi javnosti da znaju?

Želim da se zahvalim direktorici i Načelniku na uklanjanju divljih deponija iz naše mjesne zajednice. Direktorica je obećala da će dati kamion a mi mještani ćemo se potruditi napraviti akciju i sugerisati i ostalim mjesnim zajednicama da postupe isto.

**Amira Zukić**, nemojte me držati za riječ ali činjenica je da je utvrđena cijena smeća 2007.godine. Znači po članu negdje dođe oko 1,30 KM + PDV ili 1,20 + PDV. Ne znam ne radim na tim poslovima. Nismo mijenjali cijenu nama je bilo u cilju da što više uđe mjesnih zajednica za odvoz smeća. U početku bude jedna tura smeća, a poslije i do tri-četiri ture smeća. Daleko je i lokacija Nekolj u odnosu na grad Maglaj. U početku to bude jedna tura a u ljetnom periodu da ne pričamo. Zasad treba biti ista cijena za sve ista kao što je bila i 2007.godine, dok se Općinsko vijeće ne odluči za neku drugu cijenu.

**Predsjedavajuća OV**, zaključujem raspravu i dajem na glasanje

## ZAKLJUČAK



**7.1. USVAJA SE Izvještaj o održavanju javne higijene sa finasnijskim pokazateljima za 2016. godinu.**

**7.2. USVAJA SE Program održavanja javne higijene sa finasnijskim pokazateljima za 2017. godinu.**

**7.3. Sugerije se Načelniku, odnosno KJD Maglaj da se prilikom realizacije programa na zimskom održavanju uobzire i saobraćajnice koje prolaze pored javnih ustanova, akcentirajući škole.**

**Glasalo je 23 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Ferić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBiH).

**Glasalo je 1 uzdržan** - Josip Jurišić (HDZ).

**AD - 8. Razmatranje Programa održavanja javnog zelenila sa finasnijskim pokazateljima za 2017. godinu, uz Izvještaj za 2016. godinu;**

**Predsjedavajuća OV**, otvaram raspravu, Općinski načelnik je rekao da će detaljne programe za tačke 5,6,8 i 9 dostaviti za narednu sjednicu.

**Općinski načelnik**, moguće da sam rekao 5,6,8 i 9. 5,6 i 9, ne vidim razloga da se skida ovaj program. Ako sam rekao onda sam napravio lapsus. Nema potrebe da se skida ovaj Program.

**Predsjedavajuća OV**, ako se slažete napraviti ćemo ispravku i u tački 5. da se odnosi na programe 5,6 i 9, u tom slučaju Program javnog zelenila ostaje.

**Vijećnica Ermina Muminović**, Klub vijećnika SDA će podržati Program održavanja javnog zelenila sa finasnijskim pokazateljima za 2017. godinu, kao i Izvještaj za 2016. godinu.

**Predsjedavajuća OV**, zaključujem raspravu i dajem na glasanje Izvještaj o održavanju javnog zelenila sa finasnijskim pokazateljima za 2016. godinu.

Usvojeno jednoglasno.

Dajem na glasanje Program održavanja javnog zelenila sa finasnijskim pokazateljima za 2017. godinu.

Usvojeno jednoglasno.

Konstatujem da je usvojen

## Z A K L J U Č A K

**8.1. USVAJA SE Izvještaj o održavanju javnog zelenila sa finasnijskim pokazateljima za 2016. godinu.**

**8.2 USVAJA SE Program održavanja javnog zelenila sa finasnijskim pokazateljima za 2017. godinu.**

**AD - 9. Razmatranje Programa zbrinjavanja pasa lualica sa finasnijskim pokazateljima za 2017. godinu, uz Izvještaj za 2016. godinu;**

**Predsjedavajuća OV**, otvaram raspravu

**Vijećnik Nedžad Alispahić**, Klub vijećnika SDA prihvata nacrt Programa zbrinjavanja pasa lualica sa finasnijskim pokazateljima za 2017. godinu i Izvještaj o realizaciji programa zbrinjavanja pasa lualica za 2016. godinu.

**Vijećnik Hajrudin Ferić**, nećemo mi prihvatiti Izvještaj. Svi znamo da je godinama taj problem prisutan ne samo u gradu nego i u prigradskim naseljima, pa i cijeloj općini Maglaj. Isto tako znamo da od 2009.godine postoji Zakon o zaštiti i dobrobiti ovih životinja u kojem su propisane rigorozne mjere, da je tu bilo dosta i rasprava o tome šta raditi itd. U kojima su propisani strogi uslovi za zbrinjavanje pasa lualica, odnosno napuštenih životinja. Vodile su se dugo rasprave i da li nama na općini treba ili ne treba azil za napuštene životinje. Ono što je problem svih općina u BiH jeste ne adekvatno zbrinjavanje. Glavni razlog je nedostatak finasnijskih sredstava. Puno je poticajnih sredstava bilo projekata i finasnijskih sredstava za te projekte izgradnje azila, odnosno prihvatilišta i čini mi se da je u fazi izgradnja azila u Zenici. Mi trebamo da budemo svjesni da osim zdravstvene opasnosti koju čine napuštene životinje to je pitanje bezbjednosti, ali i pitanje odgovornosti Općine i Općinskog vijeća za sve eventualne negativne posljedice koje to izaziva. Mislim da mnogi ovdje ne znaju da postoje izvršne sudske presude za pojedince, zbog ujeta pasa lualica koje je Općina dužna izmiriti. To nisu mala sredstva, takvih je presuda bilo oko 15-20.000 KM. Nije ovo baš pitanje da pređemo preko toga. Očekujemo program koji će privremeno bar kratkotrajno da riješi ovaj gorući problem u Maglaju. Mislim da bi bilo dobro da se pristupi jednom ozbiljnom, analitičkom stručnom poslu i na razmišljanjima i na iznalaženju jednog dugoročnijeg rješenja za općinu Maglaj. Znamo da je problem i u drugim općinama...

**Vijećnica Svjetlana Zamboni**, pripremajući se za ovu tačku dnevnog reda stupila sam u kontakt sa azilima koji egzistiraju na području općine Tuzla i Doboju. Malo sam se potrudila da pogledam i na internetu i mogu vam reći

da je zaista velika podrška projektima ovakve prirode kada je međunarodna zajednica u pitanju. Osim toga, pronašla sam gotove projekte sa kompletnom finansijskom konstrukcijom koja je potrebna za završavanje ovog pitanja. I ono što najviše ljudi podcrtavaju kada je u pitanju problem pasa lualica nije sama izgradnja azila u smislu smještaja. Dakle, bez vakcinisanja, bez sterilizacije tih pasa besmisleno je govoriti o azilima. Ta priča podrazumijeva ozbiljno uključivanje veterinarskih stanica koje moraju biti ta spona između kontrole i ono što je dopredsjedavajući govorio kad je zdravstveno stanje tih životinja u pitanju. Nisu tu u pitanju samo psi lualice, postoje i druge životinje npr. mačke. Takvi programi ne bave se samo jednom vrstom nego su i mnogo širi i mislim da je to jedna dobra mogućnost i za nas da povučemo sredstva iz međunarodnih fondova. Osim toga potrebno je razmišljati, to su ti volonteri koji su neophodni da takav projekat profunkcioniše. I azili funkcionišu zahvaljujući dobroj volji i želji građana tih gradova da se zbrinu psi lualice i da se učini nešto dobro. Izgradnja azila je sasvim osnovano razmišljanje za budućnost. Trebamo ući i u jednu priču o volontiranju mladih sugrađana i starijih ljudi koji imaju i želju i volju da ovaj problem riješe. Opet naglašavam bez vakcinacije, bez sterilizacije tih pasa lualica ta priča bi bila uzaludna. Mislim da su to nekakve i zakonske norme koje nalažu i taj dio u zbrinjavanju tih pasa. Svakako podržavam i bit ću sigurno jedna od volontera da pokažemo dobru volju u interesu naše lokalne zajednice.

**Vijećnica Selma Avdić**, ja ipak mislim da je ovo jedan od gorućih problema u našem gradu. U jutarnjim satima kada školska djeca, radni ljudi, obavljaju svoje poslove to su čopori pasa. Ja ujutro idem na posao u 5 ili 6 sati u Norinom parku je strašno. Tu djeca izlaze svaki dan. Mislim da preko ovog problema ne možemo preći tako lako. Kao što je kolegica Zamboni rekla, trebala bi veterinarska stanica da reaguje. Mislim da mi trebamo više povesti računa o ovome. Plaćat ćemo kazne pojedincima što su nas tužili, više nego što ćemo uraditi nešto za nas i našu djecu. Mislim da svi mi se trebamo u ovo uključiti, ovo je ozbiljan problem. Pse treba skloniti sa ulice, treba ih skloniti na način na koji se može. Mi trebamo svi učiniti više u ovoj našoj zajednici na zbrinjavanju pasa lualica.

**Općinski načelnik**, ovo je jedna tačka o kojoj se svi slažemo i u Maglaju i izvan Maglaja očigledan je taj problem. Očigledno je da je zakon napravio taj problem jedno je zabranio, a drugo nije omogućio. Mi ćemo sigurno uraditi sve sa svoje strane da riješimo što prije i u najboljoj mogućoj mjeri kojoj možemo. Pretpostavljam da će u dogledno vrijeme to biti ozbiljan biznis, ali u ovom trenutku zbog kompleksnosti vrlo toga malo ima. Tu je gospođa Starčević, zajedno sa Nenadom nedavno su boravili na Preslici, 4 KM je dnevno za zbrinjavanje 1 psa. To su ogromna sredstva. Grad Doboj izdvaja oko 200.000 KM na pse lualice. Vidjet ćemo da li možemo s njima napraviti nešto, da li možemo na drugom mjestu napraviti nešto. Ja sam dobio informaciju i da je to u Zenici riješeno. Kad dođete u Zenicu vidite da je i gore puno pasa. Svugdje je problem ne tražim opravdanje, moramo naći rješenje i potruditi se, pogledati sva moguća rješenja. Molim vas sve da kad pročitate neko rješenje ili neku ideju, sugerirate Službu radi na tome, cilj nam je da što prije završimo taj problem. U Budžetu smo planirali sredstva i veća nego što su bila do sad planirana, ako bude trebalo i povećat ćemo ta sredstva da ne trošimo novac na plaćanje kazni zbog ujeta pasa, nego da platimo za zbrinjavanje pasa. To su psi o kojima niko ne vodi računa, može ih biti i bolesnih i zaraženih itd.

**Predsjedavajuća OV**, zaključujem raspravu i stavljam Izvještaj o zbrinjavanju pasa lualica za 2016. godinu na glasanje, ko je za

**Glasalo je 13 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA), Josip Jurišić (HDZ), Bešić Mustafa, (SBB), Delić Fikret (DF)

**Glasalo je 11 uzdržan** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Fermić, (DF), Muhamed Hrnjić (SBB), Mustafa Buljubašić (samostalni vijećnik), Elvir Vehabović (SBiH).

Konstatujem da je usvojen

## Z A K L J U Č A K

**9.1. USVAJA SE Izvještaj o zbrinjavanju pasa lualica za 2016. godinu.**

**9.2. Vraća se na doradu prijedlog Programa zbrinjavanja pasa lualica sa finansijskim pokazateljima za 2017. godinu.**

**AD - 10. Izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu;**

**AD - 11. Donošenje Programa sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu;**

**Predsjedavajuća OV**, da li se slažete da 11. tačku zajedno razmatramo uz 10-u, tako da u svojim diskusijama pravimo poređenja, po ovim tačkama dnevnog reda imamo stav Komisije za pitanje mladih i stav Komisije za obrazovanje.

Otvaram raspravu

**Vijećnik Vehabović Elvir**, Komisija za obrazovanje, kulturu i sport je održala sjednicu dana 07.05.2017.godine i donijeli su par zaključaka.

Komisija sugeriše Općinskom vijeću da prihvati sugestije Komisije za obrazovanje, da utrošak sredstava ide transparentno po pitanju kulture, sporta i obrazovanja, da se javni pozivi obavezno objavljuju i u mjesnim zajednicama i da se pokuša pronaći način za sufinansiranje tradicionalnih maglajskih zanata.

Komisija sugeriše Općinskom vijeću da u skladu sa mogućnostima pomognu školama u angažovanju psihologa u našim školskim ustanovama. Da se pokuša iznaći način kao što je urađeno u prošlom mandatu sa logopedom, da se pokuša naći način da se u školama angažuje psiholog, zbog sve većeg problema maloljetničke delikvencije. Problema kao što su narkomanija, alkoholizam, da se u sklopu toga poboljša saradnja sa institucijama koje već imamo JU Dom zdravlja Maglaj, škola, Centar za socijalni rad, škola iskoristi svoj sistem i mislim da su i ljekari voljni otići u škole i prenijeti svoje znanje na učenike.

**Vijećnik Hrnjić Armin**, Komisija za pitanje mladih i ravnopravnost spolova je na sjednici održanoj dana 09.05.2017.godine razmatrala ovu tačku dnevnog reda i donijeli su slijedeće zaključke.

1. Komisija Općinskom vijeću sugeriše da prilikom donošenja kriterija za transfere iz Budžeta, a koji se tiču mladih ljudi, obavezno konsultuju Komisiju za pitanje mladih i ravnopravnost spolova.
2. Komisija Općinskom vijeću predlaže da se pronađe mogućnost za stambeno zbrinjavanje mladih ljudi. Da se ostvari saradnja sa bankama ( Kreditna sredstva sa najmanjom kamatnom stopom, Općina garant ).
3. Komisija sugeriše Općinskom vijeću da se prilikom organizovanja manifestacije „Studentsko ljeto“ po principu socijalnog dijaloga konsultuju i oni koji su svojim radom, uspjehom i karijerom doprinijeli renomeu ovakvog tipa kulturnog sadržaja.

**Vijećnica Kanita Bašić**, Klub vijećnika SDA će prihvatiti izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu, a posebno bi da se osvrnemo na projekat Centralne evropske banke 2. koji je i posebno da iskažemo naše zadovoljstvo što se nastavlja realizacija projekta podrške ugroženim korisnicima kolektivnih i alternativnih oblika smještaja koji je započeo u 2016.godini, kada je Općina Maglaj opredijelila lokaciju i infrastrukturu, a sve uz pomoć ministricu u Vijeću ministara Semihe Borovac i nadležnim federalnim ministrom Ramić Edinom. Po našim nekim saznanjima izgradnja objekta bi trebala započeti ubrzo i nadamo se da će konačno lica koja nemaju vlastitu imovinu imati smještaj.

**Vijećnik Hajrudin Ferić**, nama je drago da su i izvještaji i programi za ove oblasti koje su navedene u tački dnevnog reda, došle na dnevni red na sjednicu Općinskog vijeća. Sam materijal vjerovatno nije ni mogao biti bolji, niti kvalitetniji iz prostog razloga što je toliko oblasti navedeno, da i po pet rečenica da se stavi po svakoj oblasti i u izvještaju i programu to bi bio materijal. Svaka od ovih oblasti koja su tu, zahtijevaju jednu vrstu ili tematske tačke dnevnog reda da se razgovara o svomu tome. Vidim kroz diskusiju da se sve svodi na jedan površan pristup svim ovim oblastima kroz ovu informaciju. Moram da istaknem kad govorimo o socijalnoj zaštiti tu imamo projekat koji bi se realizovao u 2015. i 2016. godini u saradnji sa UNICEF-om po pitanju socijalne inkluzije i mislim da je on dobro išao i da se realizovao. Međutim, svi mi zaboravljamo, a čini mi se i u administraciji su zaboravili jednu odluku o socijalnoj zaštiti koju je Općinsko vijeće donijelo 2013.godine. To je jedan sistemski akt koji jako dobro reguliše svaku od oblasti socijalne zaštite i samo je dalje trebalo da se utvrđuju konkretni programi, kriteriji po svakoj od ovih oblasti u toj odluci. Jedna od tih oblasti je i sufinansiranje socijalna zaštita, lica u stanju socijalne potrebe a kad su u pitanju troškovi komunalnih usluga. Između ostalog u toj odluci stoji i nabavka ogrjevnog drveta, nabavka ... i naravno to je Općinsko vijeće donijelo 2013. godine i stavilo je negdje u a/a i naravno bit će to nema para. Tome se treba pristupiti. Kada govorimo o socijalnoj zaštiti penzionera, mi znamo samo ono što ide kroz Udruženje penzionera kroz redovne tranše koje su planirane u Budžetu. Nije to samo jedan oblik zaštite. Puno tih stvari ima i moramo se zapitati ko su ti potencijalni korisnici takvih subvencija, da li je moguće da oni budu ili ne budu, da li se može olakšati i pomoći? Kako mi znamo da li je neko u stanju socijalne potrebe? Koliko ima saradnje sa mjesnim zajednicama itd.? Ja ovdje nešto sad nabacujem da bi se dokazalo koliko treba ozbiljno pristupiti svakoj od ovih oblasti. I ovaj poticaj za demografski razvoj, koliko je novca otišlo. Ja se dobro sjećam koliko je javnost pričala o ovim problemima administrativnim preprekama da se dobiju ova sredstva, a piše u programu da je to tako pojednostavljeno da ide automatski. Dakle, ima razloga i sva ta rasprava i diskusija doprinijela je nekom poboljšanju. U tom smislu želim da kažem pogotovo u izvještaju, dosta toga je bilo netransparentno. Zaključak je obe komisije da se mora ići transparentno. Da mi ne bi stavljali kod te opasnosti vođenja iste politike. Da to ide putem medija, putem oglasnih ploča u mjesnim zajednicama, ali za sve te kriterije da bude utvrđeno. U izvještajima za Studentsko ljeto. Mene kao građanina je interesovalo koji je koncept jer sjećam se i ja sam bio tri-četiri godine u organizacionom odboru prije rata, pa smo imali neke koncepte, savjete

festivala i organizacione odbore, da bi odjedanput primijetio kao građanin da se promijenila boja zastave, promijenio se koncept, pa nema večeri prijateljstva. Od kraja decembra bojim se da ulazimo u isti problem uz dužno poštovanje svih onih ljudi koji su u organizacionom odboru, da to nije intencija da se zatvori. Mi moramo da širimo i kroz konsultacije te ljude kroz «Studentsko ljeto» te ljude vezemo, pa maka i na onaj način da upitamo ljude koji su iz Beograda, Zagreba, Sarajeva ... učestvovali u tim aktivnostima šta misle o tom konceptu, šta se treba promijeniti, šta ne treba, pa da Općinsko vijeće donese strategiju jedne manifestacije koja je brend općine Maglaj i koja mora da bude brend. Čak sam nekad davno predlagao da se raspiše i koncesija na organizaciju «Studentskog ljeta». Ne smijemo ništa zatvarati u uske krugove ljudi bez prethodnih konsultacija sa građanima, sa javnosti. Gdje god osjetimo da nam neko može pomoći lakše će i doći i pomoći Maglaju pa da to radimo onako kako treba. Sve ovo treba da bude transparentnije sa jasnim kriterijima što više da se oglašava putem oglasnih ploča po mjesnim zajednicama, tamo gdje je to moguće.

**Vijećnik Bešić Mustafa**, ovaj Izvještaj za 2016. godinu, vjerujem da neće biti tako za 2017. godinu. Na zadnjoj strani imamo nogometne klubove. Npr. «Natron» 48.500 KM, isplaćeno 32.000 KM. Ono što mene više interesuje ovi klubovi za koje vidim da su u istom rangu Novi Šeher, Moševac, Kosova, velika je razlika u isplati sredstava a mislim da to ne bi trebalo biti tako... Ja sugerisem Općinskom vijeću da ove stavke izjednači što se tiče ranga za nogometni klub.

**Vijećnik Vehabović Elvir**, ja jesam član ove Komisije za ovu godinu, nisam bio u prošloj. Poznajem tematiku pa ću odgovoriti. Razlika između NK «Vis» i NK «Moševac» je u tome šta za ovaj dio za koji su dobili novac NK «Moševac» nije imao djecu. Razlika između NK «Vis» i NK «Novi Šeher» je što NK «Novi Šeher» nema prvi tim, a ima samo djecu, pa zato je NK «Vis» dobio više sredstava.

**Vijećnik Abdurahmanović Adis**, ja bih da pojasnim doktor Vehabović je pojasnio da se radi o razlici između NK «Moševac» i NK «Vis» Kosova za pola godine. Ja sam u UO i znam da postoji iz Budžeta 1.500,00 KM za «Dansku školu nogometa» gdje NK «Vis» učestvuje već godinama u toj školi i još 1.000 KM je za nogometni turnir «Sedam visovih ljljana». To su stvari koje ulaze to je 2.500 KM, nije to neka razlika.

**Vijećnica Kanita Bašić**, Klub vijećnika SDA prihvata Program sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu.

**Predsjedavajuća OV**, zaključujem raspravu i stavljam na glasanje i tačku 10. i 11. uz sve iznesene prijedloge, sugestije i prijedloge komisija.

## Z A K L J U Č A K

**10.1. USVAJA SE Izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu.**

**11.1. USVAJA SE Programa sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu.**

**11.2. Općinsko vijeće prihvata sugestije Komisije za obrazovanje, da utrošak sredstava ide transparentno po pitanju kulture, sporta i obrazovanja, da se javni pozivi obavezno objavljuju i u mjesnim zajednicama i da se pokuša pronaći način za sufinansiranje tradicionalnih maglajskih zanata.**

**11.3. Općinsko vijeće prihvata prijedlog Komisija da u skladu sa mogućnostima pomognu školama u angažovanju psihologa ( po principu logopeda ), te nađe način da se poboljša saradnja JU Dom zdravlja Maglaj i obrazovnih institucija unutar općine Maglaj.**

**11.4. Općinsko vijeće prihvata sugestije Komisije za pitanje mladih i ravnopravnost spolova da prilikom donošenja kriterija za transfere iz Budžeta, a koji se tiču mladih ljudi, obavezno konsultuju Komisiju za pitanje mladih i ravnopravnost spolova.**

**11.5. Općinsko vijeće prihvata sugestiju Komisije za mlade i ravnopravnost spolova da se pronade mogućnost za stambeno zbrinjavanje mladih ljudi tj. da se ostvari saradnja sa bankama ( Kreditna sredstva sa najmanjom kamatnom stopom, Općina garant ).**

**11.6. Općinsko vijeće prihvata sugestije Komisije za mlade i ravnopravnost spolova da se prilikom organizovanja manifestacije „Studentsko ljeto“ po principu socijalnog dijaloga konsultuju i oni koji su svojim radom, uspjehom i karijerom doprinijeli renomeu ovakvog tipa kulturnog sadržaja.**

Usvojeno jednoglasno

**AD - 12. Izvještaj o utrošku transferisanih sredstava od koncesija u 2016. godini, realiziranim programima i visini uloženi sredstava;**

**Predsjedavajuća OV**, otvaram raspravu.

**Vijećnik Safet Jašić**, Klub vijećnika SDA analizirao je Izvještaj o utrošku sredstava, transferisanih sredstava od koncesija u 2016. godini, realiziranim programima i visini uloženi sredstava. Vidjeli ste da se u materijalu nalazi cifra od 19.105 KM, koje je uplatio «Mapex» d.o.o. Maglaj. Klub vijećnika SDA predlažemo da se sredstva koja

se nalaze na transakcijskom računu Budžeta Općine utroše u izgradnju i rekonstrukciju vodovodne mreže u naseljenim mjestima, a da se rekonstrukcija sjevernog ulaza u Maglaj realizuje iz naplaćenih sredstava od Elektrodistribucije Maglaj za KGZ i KN.

Jedno pitanje ko je mogao odlučiti da se sredstva od koncesije u iznosu od 19.105 KM naplaćenih u 2016. godini budu utrošena u rekonstrukciju sjeverne petlje na ulazu u grad, s obzirom da će sredstva biti utrošena u tu namjenu odakle su i stigli.

Sredstva od koncesionih naknada mogu se utrošiti samo odlukom Vijeća i to po osnovu programa utroška od koncesija koji usvaja općinsko vijeće.

Ukoliko se ne prihvati prijedlog da izgradnja i rekonstrukcija sjevernog ulaza u grad bude realizovana iz gore navedenih sredstava, a ne iz sredstava koncesije za crpljenje mineralne vode koju je uplatio Mapex Maglaj, Klub SDA će biti protiv ovog izvještaja.

**Vijećnik Hajrudin Fermić**, mislim da bi dobro bilo da prihvatimo ovaj izvještaj, a ipak bi trebalo da se donese Program utroška sredstava. To je moje mišljenje a to je jedna formalnost koja apsolutno ništa ne mijenja, uz sugestiju da bi dobro bilo da se inače napravi program sufinansiranja kompletnog projekta, način izvora finansiranja kompletno sjeverne petlje u Maglaju.

**Fuad Hajralahović**, u ovom izvještaju ova su sredstva pristizala od 11. mjeseca do 22.3. mi smo smatrali da ova sredstva od 19.000 KM je najpametnije utrošiti na završetak sjevernog ulaza u Maglaj. Što se tiče ovih vodovoda vi dobro znate da smo mi skoro sve vodovode u mjesnim zajednicama neke započeli, neke priveli kraju, neke završili iz vodnih naknada. S obzirom da ova sredstva koja su prikupljena od koncesija daju mogućnost da se utroše u sve infrastrukturne projekte, znači jedan od tih projekata je i rješavanje problema sjeverne petlje u Maglaju. Samim tim smo smatrali da je to najneophodnije u ovom trenutku u Maglaju što bi trebalo uraditi.

**Vijećnik Hajrudin Fermić**, ja opet ponavljam niko ne spori važnost projekta, govorimo samo o formalnom poštovanju procedure, a piše u Zakonu o koncesijama između ostalog kako se troše ove koncesione naknade. Troše se u skladu sa programom. Ništa više. Za mene je čista formalnost samo da ispoštujemo. Mi ćemo glasati onako kako je i predviđeno.

**Vijećnik Safet Jašić**, Općinsko vijeće je najstariji organ ja sam postavio jasno pitanje, a sredstva kako su došla iz koncesija Zakon jasno govori nemam ništa protiv, ako imaju sredstva iz nekog drugo dijela. Ova sredstva da se usmjere u vodovode. Ja ne smatram da su vodovodi u tako dobrom stanju. Klub SDA nema ništa protiv izgradnje sjevernog ulaza u grad, ali ova sredstva da budu usmjerena tamo, ko ih je mogao usmjeriti bez Općinskog vijeća. Ova sredstva da budu usmjerena u izgradnju i rekonstrukciju mjesnih vodovoda. To je naš prijedlog.

Pauza za Klub SDP i blok

**Predsjedavajuća OV**, nakon pauze molim gospodina dopredsjedavajućeg da iznese stav koalicionog bloka.

**Vijećnik Hajrudin Fermić**, uvažavajući ove zakonske odredbe, predlažem u ime bloka da ova tačka dnevnog reda Izvještaj o utrošku transferisanih sredstava od koncesija u 2016. godini, realiziranim programima i visini uloženi sredstava preimenujemo u Plan utroška sredstava od koncesija za 2016.godinu u tekstu kakav je praktično i predložen, a ukoliko prođe da se prilikom objavljivanja u «Službenim novinama Općine Maglaj» utvrdi pravna forma Odluke, a ne izvještaja. Pravnici znaju kako će to da uobliče u formalno pravni oblik ovog Programa. Znači ne izvještaj, nego prihvatamo plan i ovaj tekst samo da se pretvori u odluku. Kompletno sredstva što je ubrano od koncesionih sredstava po osnovu voda, ukupna cifra od 19.105 KM planira se za realizaciju onog što je navedeno u izvještaju. Planirano da se utroše u 2017. godinu da se utroše za ovu namjenu koja je i predložena u izvještaju. Da to pravnici uobliče i da to bude stvarno utrošak sredstava. Da nadležna Služba u propisanom roku obavijesti i nadležno Ministarstvo o utrošku sredstava.

**Vijećnik Safet Jašić**, mi smo imali dobar prijedlog, a vidim da se vi 100% držite onoga što je napisano tamo i mislim da to nije dobro. Trebali bi malo razmišljati i o onim stvarima o kojima je Klub SDA pričao i da nema sredstava za ono dole, ja bih tu nešto rekao mislim da ima, a ova sredstva su trebala i Klub SDA će insistirati na tome i ova sredstva treba da idu tamo kako je predložio Klub SDA.

**Predsjedavajuća OV**, zaključujem raspravu i stavljam na glasanje prvi prijedlog Kluba SDA, a to je da ova sredstva budu utrošena na sanaciji i izgradnji vodovoda.

**Glasalo je 10 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

**Glasalo je 13 protiv** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBiH).

**Glasalo je 1 uzdržan** - Josip Jurišić (HDZ).

Konstatujem da prijedlog SDA nije dobio većinu, dajem na glasanje prijedlog iznesen od strane dopredsjedavajućeg a nakon pauze koalicionog bloka, te stavljam na glasanje da se preimenuje ovaj materijal u plan utroška sredstva i da se povede računa o formulisanju tog materijala.

**Glasalo je 13 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik ), Elvir Vehabović ( SBiH).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

**Glasalo je 1 uzdržan** - Josip Jurišić (HDZ).

Konstatujem da je usvojen

## Z A K L J U Č A K

**12.1. Općinsko vijeće predloženi tekst USVAJA kao Program utroška sredstava od koncesija za 2017. godinu.**

**12.2. Zadužuje se Općinski načelnik, odnosno nadležna Općinska služba da sadržaj teksta prijedloga izvještaja utvrdi formalno-pravno uobličiti kao pravni akt: Program utroška od koncesija za 2017. godinu, a prije nego što bude objavljen u «Službenim novinama Općine Maglaj».**

**AD - 13. Prijedlog rješenja o izuzimanju neizgrađenog gradskog građevinskog zemljišta radi izgradnje saobraćajnice TC WISA – T-objekti u Maglaju;**

**Predsjedavajuća OV**, izvjestilac po ovoj tački dnevnog reda je Fuad Hajrulahović,

**Fuad Hajrulahović**, u sklopu materijala imate i prijedlog rješenja o izuzimanju neizgrađenog gradskog građevinskog zemljišta radi izgradnje saobraćajnice TC Wisa – T objekti u Maglaju. Ako se sjećate mi smo prije nekih 4-5 godina pokrenuli tu aktivnost za rješavanje tih odnosa i krenuli u izgradnju dijela te saobraćajnice, međutim kako su bila potrebna značajna sredstva ti radovi su obustavljeni. Ako se sjećate na prošloj sjednici imali smo usvajanje djelimične izmjene Reg. plana za gospodina Mahmić Nurudina i u sklopu toga bila je i dilema i polemika po pitanju dodjele zemljišta koje je ostalo između stambenih objekata porodica Hasanić i porodice Mahmić Nurdina.

Tada smo rekli da taj dio zemljišta koji je tražio gospodin Mahmić neće mu biti dodijeljeno i da će ostati na raspolaganju Općini kao vlasniku. Rješavajući imovinsko pravne odnose sa porodicom Hasanić za izgradnju buduće saobraćajnice i tog dijela zemljišta kojeg imate u prijedlogu na skicama, da ne čitam sve te parcele, reći ću vam ukratko. Općina Maglaj daje 411 m<sup>2</sup> zemljišta koji graniči sa zemljištem porodice Hasanić za 411 m<sup>2</sup> njihovog zemljišta. Znači tu nema nikakve razlike ni u kvalitetu ni u veličini, a samim tim otvaramo jednu mogućnost nastavka dijela izgradnje ne cijele, nego dijela, zato što imamo još nekoliko neriješenih imovinsko pravnih odnosa. Kompletna procedura je provedena, Pravobranilaštvo je dalo svoje mišljenje. Sva zakonska procedura je provedena, saslušani su vještaci, saslušani su učesnici u sporazumu i nije niko imao primjedbi tako da mi smatramo da bi bilo dobro u interesu izgradnje buduće saobraćajnice da se ovakav prijedlog i usvoji.

**Vijećnik Mirsad Bejzić**, Klub vijećnika SDA prihvata prijedlog rješenja o izuzimanju neizgrađenog gradskog građevinskog zemljišta radi izgradnje saobraćajnice TC Wisa – T-objekti u Maglaju.

**Vijećnik Hajrudin Ferić**, poslovnička primjedba. Žao mi je što nemamo mišljenje Komisije za privredu po ovoj tački, a ne samo po ovoj tački, nego i po još nekoliko prethodnih koje su prošle. Mislim da ne bi trebalo da dođe na Vijeće bez mišljenja Komisije.

**Predsjedavajuća OV**, zaključujem raspravu i stavljam na glasanje

## Z A K L J U Č A K

**13.1. DONOSI SE Rješenje o izuzimanju neizgrađenog gradskog građevinskog zemljišta radi izgradnje saobraćajnice TC Wisa – T objekti u Maglaju.**

**Usvojeno jednoglasno**

**AD - 14. Prijedlog Odluke o usvajanju Plana djelovanja Centra za socijalni rad u vanrednim situacijama izazvanim prirodnim nesrećama;**

**Delić Nijaz**, uvodno izlaganje ...

**Predsjedavajuća OV**, otvaram raspravu.

**Vijećnik Mirsad Bejzić**, Klub vijećnika SDA prihvata prijedlog Odluke o usvajanju plana djelovanja Centra za socijalni rad u vanrednim situacijama izazvanim prirodnim nesrećama.

**Predsjedavajuća OV**, zaključujem raspravu i dajem na glasanje

## Z A K L J U Č A K

#### 14.1. Općinsko vijeće Maglaj daje saglasnost na Plan djelovanja Centra za socijalni rad u vanrednim situacijama izazvanim prirodnim nesrećama.

Usvojeno jednoglasno

#### AD - 15. Informacija o tekućim aktivnostima vezano za Groblje Borik;

**Fuad Hajrulahović**, u informaciji o tekućim aktivnostima za Groblje «Borik», vi dobro znate da je Općinsko vijeće na sjednici 2.3.2017.godine razmatralo prijedlog lokaliteta Borik i pri tome usvojilo zaključak kojim se usvaja Odluka o pristupanju izrade Reg. plana Groblje Borik Maglaj. Mi smo proveli proceduru, izabrali smo izvođača ili izvršioca izrade Regulacionog plana, izabrana je firma «Stilprojekt» Zavidovići Odjeljenje u Maglaju. Imate hronološki popisane sve aktivnosti koje su urađene. Firma «Stilprojekt» je nama dostavila prednacrt u grafičkom dijelu, osnovnu kartu. Mi smo imali jučer jedan radni sastanak na kojem smo karte razmotrili, donijeli smo određene zaključke i uvažili smo sugestiju da «Stilprojekt» Zavidovići krene u dalju realizaciju u skladu sa programom koji je i definisan ugovorom o izvođenju tih razloga. Imate ovdje rok u kojem treba završiti sve ove aktivnosti. Isto smo zaključili i dogovorili da odmah idemo u aktivnosti oko rješavanja imovinsko pravnih odnosa. Ovdje nam je sve definisano i pobrojano šta smo uradili.

Piše ovdje. U skladu sa članom 43 Zakona o prostornom uređenju i građenju Zeničko dobojskog kantona (Službene novine Zeničko –dobojskog kantona broj: 01/14) , a radi praćenja izrade i stručnih rasprava o svim fazama, utvrđivanja osnovne koncepcije i usaglašavanja stavova i interesa izrade planskog dokumenta Regulacionog plana „Groblje Borik“ predlažemo da Općinsko vijeće donese odluku o formiranju Savjeta plana.

To bi bilo dobro i trebalo bi uraditi što prije.

**Predsjedavajuća OV**, u svakom slučaju Općinskom načelniku stoji obaveza da formira taj plan.

Otvaram raspravu.

**Vijećnik Safet Jašić**, Klub vijećnika SDA prima k znanju Informaciju o tekućim aktivnostima vezano za groblje Borik, ovu odluku smo donijeli jednoglasno, a imamo i nekoliko pitanja i tražimo odgovore na slijedeća pitanja:

1. Kako se zove groblje- odnosno da li je to gradsko groblje?
2. Ko će upravljati ovim grobljem?
3. Kakav je projektni zadatak dat za izradu Regulacionog plana groblje «Borik» i koji sadržaji, odnosno smjernice za izgled groblja, eventualnu izgradnju objekata i drugo?
4. Da li je zemljište za izgradnju groblja u vlasništvu Općine, a ukoliko nije da li su riješeni imovinsko-pravni odnosi?
5. Ako ovo groblje nije gradsko groblje koja je lokacija predviđena za izgradnju gradskog groblja?

**Fuad Hajrulahović**, prvo pitanje bilo kako se zove groblje. Odlukom koju je Općinsko vijeće usvojilo o pristupanju izmjene Regulacionog plana, definisano je da se zove groblje «Borik» u Maglaju i mi ga nismo drugačije ni promijenili.

Ko će upravljati, u informaciji imate U skladu sa tačkom III zaključka o usvajanju Odluke o pristupanju izradi Regulacionog plana „Groblje Borik“ u Maglaju, a u cilju pripreme ostale potrebne dokumentacije, općinski načelnik je Rješenjem broj: 01-49-794/17 od 31.03.2017. godine, formirao stručni tim za izradu Prijedloga Odluke o pogrebnoj djelatnosti do konačnog usvajanja Regulacionog plana „Borik“ u Maglaju.

Znači, ovom Odlukom koja će biti opet ovdje na Vijeću će biti definisano ko će upravljati time. U fazi izrade Reg plana to uopće nije bitno ko će upravljati tim grobljem.

Projektni zadatak, je proizašao iz same naše odluke da se pristupi izradi Reg. plana groblje «Borik» Maglaj koji je u skladu sa ostalim zakonskim važećim podaktima.

Vlasništvo, rečeno je kada smo donosili odluku da nije vlasništvo Općine Maglaj, nego se to vodi i dalje na ŠPD i ja sam malo prije rekao da ćemo iduće sedmice pokrenuti inicijativu za rješavanje imovinsko pravnih odnosa.

Prošli put kod usvajanja te odluke dogovorili smo se da to groblje mogu koristiti svi i nema ograničenja nikakvih.

Svi oni koji iskažu želju da se tu kopaju imat će pravo da se tu kopaju, nema tu ograničenja.

Moramo imati komunikaciju, mora imati prostor za ispraćaj, mora imati prostor za ukopavanje. Između toga e onda moraju pojaviti i određeni drugi sadržaji mrtvačnica i oni drugi prateći sadržaji koji prate svaka groblja. Ima zakonom propisano šta bi svako groblje moralo da ima. Ovo je prvi korak, poslije usvajanja prednacrt, radi se nacrt, a onda poslije toga javni uvid, javna rasprava. Bit ćete vi uključeni u sve to. Rečeno je da ide u redovnu proceduru jer nije ni moglo ići po skraćenom postupku jer se radi o novoj izmjeni Regulacionog plana.

**Predsjedavajuća OV**, obzirom da se radilo o informaciju možemo konstatovati da

**- Prima se k znanju Informacija o tekućim aktivnostima vezano za groblje «Borik», uz napomenu da Općinski načelnik ima obavezu oformiti Savjet plana.**

## **AD - 16. Nacrt Odluke o kućnom redu, upravljanju, održavanju i korištenju stambenih i stambeno – poslovnih objekata**

**Predsjedavajuća OV**, uvodničar po ovoj tački je gospodin Fuad Hajrulahović, i zamolit ću ga da sačeka da prvo čujemo vijećnike.

Otvaram raspravu.

**Vijećnik Hajrudin Fermić**, bio sam inicijator na prošloj sjednici Općinskog vijeća da se ovaj Nacrt pretvori u prednacrt i to je usvojeno. Došao je tekst Nacrta ove Odluke. Čitajući ovu Odluku nisu se dali odgovori na one primjedbe koje sam ja postavio na prošloj sjednici Vijeća, a odnosile su se na nedostatke, na nedefinisanu ulogu nadležne službe u cijelom ovom provođenju Zakona o održavanju upravljanju stambenih i stambeno poslovnih zgrada, odnosno ove buduće odluke.

O čemu se radi? To je jedna od osnovnih zamjerki da bi trebao biti jedan odjeljak cijeli koje su to obaveze i zadaci službe. Ja ću samo pomenuti da je u Zakonu rečeno da Služba mora da donese Pravilnik o određivanju, certificiranju upravitelja koji mora biti dostupan, transparentan i mora biti objavljen. Zatim na određene akte pa i procedure, šta u slučajevima kada u zgradama nema vlasnika stana, koje su procedure i obaveze da se postavi prinudni upravnik, a onda isto tako su zakonom regulisane obaveze da se postavlja i prinudni upravitelj. Postoje određene obaveze da se preciznije reguliše šta je to zajednički prostor. Ovdje u nacrtu nema definicije zajedničkog prostora oko zgrade, a taj zajednički prostor oko zgrade je ono što je nužno obavezno. Ja sam pomno pratio i određene kaznene mjere isto tako ne prate sve one članove u pogledu i zakona, a isto tako i budućeg života. Ne znam šta bih rekao nije problem da se sve to ugradi obzirom da slijedi javna rasprava. Po meni bi ta javna rasprava trebala da bude najmanje 15-tak dana. Isto tako bi dobro bilo da se ovi poslovi i obaveze također preciziraju. Mislim da bi bilo dobro da malo duži rok za javnu raspravu bude.

**Vijećnica Selma Avdić**, ja sam pogledala ovu Odluku i na nivou ZDK ovo je sve preneseno sa nivoa ZDK.

Ja se izvinjavam kad završi ezan ja ću nastaviti.

Međutim, Klub SDA predlaže da se pokrene inicijativa za izmjene kantonalnog Zakona o korištenju i upravljanju i održavanju zajedničkih dijelova i uređaja zgrada kada su u pitanju manje lokalne zajednice kao što je općina Maglaj, gdje se kao upravitelji mogu prijaviti manja privredna društva koja bez obzira na to što su obezbjedila certifikate se uopće ne bave tom djelatnošću koja podrazumijeva zamjene krovova, fasada, stubišta, ograda i koja bi praktično samo bila posrednik u obezbjeđenju drugih firmi za izvođenje radova u kooperativnom odnosu i praktično samo uzimala proviziju od poslova koje bi radile druge firme i to od stanara.

Iskustva su pokazala da ulazi koji imaju 4. ili više stanova sami obezbjede i svakako finansiraju sanaciju krovova, elektro instalacije, stubišta i slično, a za daleko manji iznos sredstava rješavaju zajedničke probleme stanara u zgradama, odnosno pojedinim ulazima u većim zgradama.

Klub vijećnika SDA ne prihvata nacrt Odluke o kućnom redu, upravljanju, održavanju i korištenju stambenih i stambeno – poslovnih objekata, a razlozi su, između ostalog, ne prihvatanje vlasnika poslovnih prostora da budu etažni vlasnici, pojedine odredbe odluke koje bi dodatno opteretile kućne budžete vlasnika stanova, visoka cijena održavanja za stambeni prostor, poslovni prostor, garaže itd.

**Vijećnica Svjetlana Zamboni**, obzirom da se radi o materijalu koji predstavlja nacrt i ostavlja mogućnost dogradnje, izmjena u periodu javne rasprave, ja još jednom pozivam sve vijećnike i sve parlamentarne i druge političke subjekte, kao i sve građane da se aktivno uključe u javnu raspravu radi formiranja jednog kvalitetnog materijala koji će doći u formi prijedloga.

**Vijećnik Hajrudin Fermić**, iz formalnih razloga moram da uputim repliku. Naime, nažalost i svi se mi moramo navikavati na to da kad je zakon u pitanju moramo poštovati, a ne da uzimamo iz zakona ono što nam odgovara i ono što nam ne odgovara. U Zakonu stoji da je to 0,22 a onda mi ne možemo govorit uzet ćemo to, a to nećemo. Kad je u pitanju razlog ove inicijative, upravo iz tih razloga sam i rekao nema regulisanih obaveza Službi. Služba mora da definiše pravilnik ko i na koji način i kako će dobit certifikat ili dozvolu da bude upravitelj na osnovu kriterija koje mi budemo ovdje utvrdili. Ima tu dosta toga da se uredi i ukomponuje ovaj nacrt Odluke o kućnom redu.

**Predsjedavajuća OV**, zaključujem raspravu i dajem na glasanje prvi prijedlog zaključka iznesen od strane dopredsjedavajućeg da se usvoji ovaj nacrt Odluke i da javna rasprava bude u trajanju od 30 dana.

**Glasalo je 14 za** - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Fermić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik), Elvir Vehabović (SBiH), Josip Jurišić (HDZ).

**Glasalo je 10 protiv** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

Slijedeći prijedlog je iznesen od strane SDA



**Glasalo je 10 za** - Adis Abdurahmanović, Selma Avdić, Nedžad Alispahić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović (SDA).

**Glasalo je 12 uzdržanih** - Svjetlana Zamboni, Nedžad Lokmić, Armin Hrnjić, Anida Šahman, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (samostalni vijećnik, Elvir Vehabović (S BiH), Josip Jurišić (HDZ).

**Glasalo je 2 protiv** - Mirza Bradarić i Irena Herceg

Konstatujem da je usvojen

## Z A K L J U Č A K

**16.1. USVAJA SE Nacrt Odluke o kućnom redu, upravljanju, održavanju i korištenju stambenih i stambeno – poslovnih objekata.**

**16.2. Zadužuje se Služba za urbanizam, imovinsko pravne i stambeno komunalne poslove da provede javnu raspravu o tekstu Nacrta Odluke.**

**Određuje se 30 dana kao rok za provođenje javne rasprave.**

### AD – 17. Informacija o realizaciji zaključaka 1-5 sjednice Općinskog vijeća

Otvaram raspravu

**Vijećnik Hajrudin Ferić**, na sjednici Vijeća zaključak usvaja se Odluka o pristupanju izmjene Reg. plana «Centar Maglaj-južni dio» Herceg d.o.o. Maglaj po skraćenom postupku. Odgovor na zaključak: - Postupak je u toku, provodi se odabir Nosioca izrade Regulacionog plana. Koliko ja imam podataka, volio bih da mi se objasni postupak za odabir nosioca Reg. plana od nove godine do danas je za groblje, za Kosovu i za ovaj dio kod Savića doma. Nisam to našao, vjerovatno ima neki odgovor.

Informacija o toku izrade Prostornog plana općine Maglaj. Donesen zaključak da se u skladu sa zakonom provedu sve propisane procedure u donošenju Prostornog plana općine Maglaj.

Odgovor Propisane procedure po Zakonu o prostornom uređenju i građenju zeničko–dobojskog kantona ( Službene novine Zeničko- dobojskog kantona broj. 01/14) i Uredbi o jedinstvenoj metodologiji za izradu planskih dokumenata ( Službene novine FBiH: broj. 50/07) se primjenjuju u izradi Prostornog plana, i njegovom donošenju.

Ne primjenjuju se. Odluka o pokretanju postupak izrade plana u članu 5. Uredbe o jedinstvenoj metodologiji za izradu planskih dokumenata Službene novine 63/04 i 50/07, stoji «Prije donošenja Odluke o pristupanju izradi dokumenta Prostornog uređenja, nosilac pripreme radi program i plan aktivnosti za pripremu i izradu dokumenta prostornog uređenja.

Član 6. Programi i plan aktivnosti za pripremu izrade dokumenta prostornog uređenja sadrže, neću sad da čitam, sa preciziranim obavezama i rokovima sudionika pripreme izrade dokumenta Prostornog uređenja, kao i potrebna sredstva i izvori sredstava za izradu dokumenta Prostornog uređenja.

Član 7. Nosilac pripreme ili Savjet plana obavezni su, odnosno nema u izmjenama je ispušten taj dio ili Savjet plana , obavezni su izraditi Program uključenja javnosti u proces pripreme izrade za sve dokumente prostornog uređenja iz člana 6. stav 2. točka A do F Zakona o prostornom uređenju. Program uključenja javnosti iz stava 1. ovog člana sastavni je dio Programa i Plana aktivnosti za pripremu i izradu dokumenata prostornog uređenja.

Usvaja se Programa rada za 2017. godinu urbanističko-građevinskog i putnog inspektora koji sugerše da u realizaciji programa imaju i vidu iznesene sugestije i prijedloge vijećnika vezane za usklađivanje zakona i propisa koje u svom radu koriste inspekcije. Odgovor postupak u toku.

Ja imam informaciju da je to inspektor, bivši inspektor već uradio i da se negdje nalazi.

**Vijećnica Svjetlana Zamboni**, obzirom da ćemo realizaciju zaključaka imati vrlo često makar kvartalno za prethodne sjednice, ja bih samo zamolila Službe da kada dostavljaju osvrte na zaključke Općinskog vijeća da u onom dijelu kada napišu u realizaciji, postupku realizacije, napišu makar u kojem stepenu realizacije da imamo orijentaciono ili da se navede šta je iz oblasti donesenog zaključka urađeno, a šta preostaje da se uradi u narednom periodu.

**Fuad Hajrulahović**, što se tiče zaključka Općinskog vijeća o pristupanju izmjene Reg. plana za firmu «Herceg», raspisan je tender. Raspisan je malo kasnije u odnosu na ove ostale koji su nabrojani iz prostog razloga zato što je firma «Herceg» prvo morala da obezbijedi suglasnost «Elektro distribucije» da li će se moći uklopiti zato što dalekovod prelazi preko postojećeg objekta. Samo je razlika u tome što nije raspisan kada i ovi ostali. Čim smo dobili suglasnost da se može pristupiti od «Elektro distribucije» mi smo raspisali tender.

**Predsjedavajuća OV**, zaključujem raspravu i konstatujem

- **Prima se k znanju Informacija o realizaciji zaključaka 1-5 sjednice Općinskog vijeća, uz predložene sugestije.**

#### **AD - 18. Informacija o radu i planu upisa u osnovne i srednje škole na Općini Maglaj:**

- Osnovna škola «Maglaj» Maglaj
- «Prva osnovna škola « Maglaj
- Osnovna škola «Novi Šeher» Novi Šeher
- JU MSŠ Maglaj
- JU Gimnazija Maglaj.

**Vijećnik Elvir Vehabović**, dana 7.05.2017.godine Komisija za obrazovanje, nauku, kulturu i sport između ostalog je razmatrala i ove Informacije. U prvom dijelu sugestije pročitat ću zaključak koji je donijela ova Komisija. Komisija sugeriše Općinskom vijeću da se pokuša naći rješenje sa višim nivoima za problematiku manjka broja djece u osnovnim i srednjim školama, a prije svega da se riješi pitanje koje se odnosi na higijenu i pitku vodu unutar tih ustanova.

Zašto ovo govorim, u pitanju su srednje škole gdje imamo informaciju gdje učenička karta iz udaljenih mjesta kao što su Kopice, puno više košta za Maglaj, nego za Žepče i da iz tog razloga jedan broj djece se opredjeljuje da upiše srednju školu u Žepču. Iz tog razloga vam i dajem na razmišljanje da vidimo da li se može tu šta uraditi da bi se to približilo, a s druge strane svako dijete je bitno zbog samog broja djece. Druga sugestija između svih nedostataka Komisija sugeriše Općinskom vijeću da se pokuša naći rješenje po pitanju pitke vode i higijene u svim ovim školskim ustanovama.

Otvaram raspravu, možemo raspravljati i o srednjim i osnovnim školama, pa ćemo na kraju sumirati zaključke.

**Vijećnik Nedžad Lokmić**, ja ću najprije iznijeti općenito stav SDP-a glede ovih informacija i plana upisa. Sviđa mi se novi obrazac koji izbjegava prethodne probleme, neslaganja i izgleda tih informacija. Želim pohvaliti trud rad, upornost direktora, rezultate i direktora i učenika, vannastavnim aktivnostima, realizaciji raznih projekata, takmičenjima od općinskog, preko kantonalnog, odnosno federalnog i državnog nivoa. U svemu ovome nažalost moram podržati primjedbe kolege Vehabovića da je svugdje prisutan taj problem upisa djece i u osnovnim a pogotovo u srednje škole.

U svemu ovome raduje me činjenica da je u Šeheru u područnoj školi Čobe-Kopice, odnosno Čobama, ako se dobro sjećam pet čistih odjeljenja koji čak rade u dvije smjene, to nam daje zajedničku nadu da se radi na tome da se poboljša broj djece glede budućih generacija. Meni je palo u oči niz problema koji su se pojavili i na ovoj sjednici Vijeća poput asfaltiranja, neograđenih prostora, otpadanja plafona, platana, mnoštvo problema koliko se sjećam nisu toliko bili u ranijem periodu.

U svakom slučaju još jednom čestitke i komplimenti i učenicima i nastavnicima škola naravno i roditeljima.

Klub SDP-a prima Informaciju k znanju.

**Vijećnik Hajrudin Ferić**, moram da postavim pitanje zadužili su me ljudi iz Fojnice direktoru OŠ «Maglaj». Što ne mogu da koriste sportsku dvoranu škole za potrebe realizacije projekta Karate klub «Empti», ako se ne varam tako i UG «Fojničani»? To je priča koja se vuče već godinu dana. Isto tako su ljudi sugerisali da se ovdje kaže da je voda za piće u područnoj školi u Bradićima ispravna zahvaljujući realizaciji jednog projekta.

Pošto je kolega Lokmić govorio o svim školama, ja bih samo upitao direktore srednjih škola koliko pije vode eventualno ponavljanje inicijative od strane Općinskog vijeća prema višim nivoima vlasti, konkretno Skupštini ZDK da se iznese Zakon o obaveznom srednjem obrazovanju? Ja imam podatke da je u četiri kantona uvaženo negdje dvije godine, negdje jedna, a tada je odbijana i ova inicijativa maglajska, na nekom od ovih stepenica, da je rečeno znate nama bi trebalo oko 7 miliona godišnje, ali iskreno rečeno za Budžet ZDK 7 miliona i nije velika cifra. Da možda i mi razmislimo i pokrenemo ponovo tu inicijativu.

Volio bih da upitamo i Načelnika, pošto malo prije ljudi iz Komisije kažu dobro bi bilo da se sufinansiraju troškovi prijevoza. Ja koliko se sjećam sufinansiraju se troškovi prijevoza i učenika srednjih škola vjerovatno za određene kategorije.

**Amela Hidić**, direktorica Gimnazije Maglaj

Ja sam htjela da zamolim Općinsko vijeće da podržite naše zaključke koje smo mi donijeli na nivou dvije srednje škole. Već godinama govorimo kako je problem upisa učenika u srednje škole evidentan i to ne samo na općini Maglaj, nego u cijeloj BiH.

Gimnazija Maglaj je inicirala jedan sastanak sa MSŠ i ako mi živimo i radimo u istoj zgradi, dvije smo odvojene institucije, upravo iz razloga što Gimnazija svake godine bori se za opstanak. Razgovarali smo o upisu učenika i s obzirom da ove godine na općini imamo najmanji broj devetogodišnjaka koji će se upisati u srednju školu mi smo napravili Plan upisa i dostavili ga i vama i u obavezni smo da ga dostavimo Ministarstvu obrazovanja. Gimnazija po pedagoškim standardima raspisat će konkurs za tri odjeljenja i to po pedagoškim standardima stoji da je optimalan broj 24, no mi godinama već upisujemo odjeljenja samo po 16, 17 ili maksimalno 18 učenika. MSŠ upisat će također, ovdje je i pomoćnica direktora i ona će obrazložiti njihov plan upisa i ono što je interesantno a vezano za Gimnaziju također tri tehničke škole i mi smo se pokušali dogovoriti da prema uputstvu Sindikata a dostavili smo i ove Komisije za obrazovanje, njihove sugestije i prijedloge koji su upućeni i na direktore škola i na Ministarstvo. Ministarstvo se nije oglasilo i mi nemamo nikakvu niti instrukciju, niti potvrdu da će biti prijedlog Sindikata prihvaćeni, ali smo mi pokušali da se dogovorimo na nivou dvije škole da pošaljemo određene zaključke

prema Pedagoškom zavodu i Ministarstvu, a isto tako da zamolio Općinsko vijeće i vas ovdje da nas podržite u tome i ti zaključci bi od prilike ovako glasili:

1. Gimnazija „Edhem Mulabdić“ raspisat će konkurs za upis učenika u I razred za tri odjeljenja po 22 učenika (iako je optimalan broj 24), a očekuje upis najviše 16 učenika po odjeljenju.
2. MSS će upisati tri tehničke škole (ekonomski tehničar, hemijsko-tehnološka i elektrotehnička) također po 22 učenika (iako je optimalan broj 24).
3. Predstavnici obje škole saglasni su da se podrži inicijativa Sindikata za srednje obrazovanje u kojem stoji uputa da u odjeljenjima I razreda treba biti maksimalno 22 učenika zbog smanjenog broja učenika na prostoru općine, ali i cijelog kantona.
4. Izborna područja u gimnazijama trebaju biti formirana na osnovu želja učenika te da broj učenika u razredu izbornog područja bude optimalan do 18, a u slučajevima kada učenici izričito žele određeno izorno područje može biti manji od 16.
5. Ovi zaključci u vidu molbe/zahtjeva bit će upućeni resornom Ministarstvu i Pedagoškom zavodu Zenica.
6. Ovi zaključci bit će upućeni takođe i Općinskom vijeću Maglaj s molbom da ih i oni u ovoj formi prosljede resornom Ministarstvu i Pedagoškom zavodu Zenica.

Ja sam malo prije rekla da je sastanak održan na inicijativu menadžmenta Gimnazije „Edhem Mulabdić“ zato što se Gimnazija nalazi u veoma teškoj situaciji što se tiče broja učenika i odjeljenja neophodnih za opstanak kao samostalna institucija.

Ukoliko bi došlo do spajanja škola, bile bi upitne norme i egzistencija uposlenika te smatramo da su ovi zaključci opravdani sve do usvajanja kantonalnog Zakona o srednjoj školi ZDK, nakon kojeg će doći do izmjene Pedagoških standarda u kojima se navodi potreban broj odjeljenja neophodnih za samostalno djelovanje jedne škole.

Ovdje je još jedan zahtjev pored onog što se tiče uposlenika i naših egzistencija a to je ono što mi stalno govorimo da Gimnazija ostane na općini Maglaj. Ja moram istaći da smo mi sve prethodne godine imali potporu našeg Premijera Galijaševića i da smo svaki put od Pedagoškog zavoda i od Ministarstva dobili suglasnost za smanjeni broj učenika u odjeljenjima. Ove godine Gimnazija je funkcionirala samo sa 11 odjeljenja. Mi ne očekujemo da ćemo ove godine upisati više od dva odjeljenja, što znači da ćemo morati tražiti suglasnost za deset odjeljenja, da li će ona biti uslišena na vama je i na nama da tražimo to i od Pedagoškog zavoda i od Ministarstva.

**Vijećnik Nedžad Lokmić**, ja sam malo prije shvatio da ćemo raspravljati samo o osnovnim školama i nisam se izjašnjavao po informaciji i upisu u srednje škole. Iste pohvale vrijede i za srednje škole. Problematiku glede upisa djece u srednje škole, dobro poznate. Ja se koristim prilikom da kao građanin općine Maglaj, da kao vijećnik ovog Vijeća a naravno i kao uposlenik Opće gimnazije Maglaj, zamolim sve nas da učinimo sve što možemo da maglajska gimnazija koja ima tradiciju dugu pola vijeka opstane i preživi u Maglaju. Mi smo sada na nekoj prekretnici, možda i naredna, nadamo se da će se poboljšati situacija glede učenika koji se upisuju u škole. Naravno treba promisliti i o problemima o kojima je govorio gospodin Vehabović, te sitne stvari koje odvedu par učenika u Žepče, ili u Tešanj, ali i te kako budu presudne kad se tiče broja učenika da bi se formiralo treće odjeljenje. Mi smo lani omahnuli za dva – tri učenika i nismo mogli upisati tadašnje prve razrede u druge. Učinimo svi zajedno, zaboravimo kojim strankama i opcijama pripadamo da nam se djece ne upisuju u Žepču, Tešnju itd. Dajmo maksimum da riješimo probleme ljudi koji tamo rade, da ljudi ne ostaju bez normi i bez posla i mislimo i na svoju djecu.

Klub SDP-a i koalicije je da podržavamo i primamo Informaciju k znanju i velika molba svih uposlenika da se na tome svi ujedinito.

**Vijećnica Svetlana Zamboni**, obzirom da je gospodin Lokmić iznio stavove Kluba, ja ću iznijeti i svoje lične stavove kad je u pitanju problematika upis učenika ne samo u srednje, nego i osnovne škole već je duže vrijeme poznata Općinskom vijeću. U vezi s tim ja bih zamolila Vijeće da podrži prijedlog da se rukovodstvo Općinskog vijeća obaveže i da dogovori koordinira jedan sastanak sa predstavnicima na kantonalnom nivou i da ih pobliže, ne samo dopisom upoznato o svim problemima koje imamo ovdje. Bojim se da neki dopisi koji odu iz Općine bilo da su u vidu inicijativa, dopisa ili obrazloženja ili same slike ove problematike, bojim da nekad ne budu dovoljno detaljno razmotrene.

Ja bih također zamolila da podržimo i ove zaključke koji su izneseni od strane direktorice obzirom da se radi o usaglašenim stavovima oba direktora, a da podržimo i ove prijedloge koje je iznio gospodin Vehabović od strane Komisije, jer vidimo da bi doprinijeli i kvalitetnijoj politici na području općine Maglaj, samo da znamo da problem ne leži samo u Maglaju. Problem je rasprostranjen po cijeloj Bosni i Hercegovini. Smatram da će zakonska regulativa u toj oblasti morati biti promijenjena u vrlo skoro vrijeme.

**Mujkanović Samira**, pomoćnik direktora u MSS

Želim da vas obavijestim o našem planu upisa u prve razrede u MSS za školsku 2017/18. godinu. Mi i ove godine, kao i svake do sada ozbiljno prilazimo ovom našem problemu, a to je upisa u prve razrede i od prilike svake godine isto uradimo, a to je pod brojem 1. provodimo anketu među učenicima osnovnih škola na našoj općini, zatim održimo sastanke Stručnih aktiva naše MSS i osluškujemo ono što nam traži naša lokalna privreda. Kad uzmemo sve te pokazatelje da dođemo do nekog zaključka šta bi to trebalo upisati, koji bi bio prijedlog plana

upisa za učenike u 1. razrede MSS. Tako smo uradili i ove godine, proveli smo anketu, među učenicima OŠ, zatim smo održali tri sastanka Stručnih aktiva, zatim smo održali zajednički sastanak sa Gimnazijom i na kraju održali smo nastavničko vijeće naše škole, koje je dalo svoj prijedlog Plana upisa učenika u prve razrede. U našu školu se upisuju učenici u tehničke i stručne škole. Ove godine je predloženo da upišemo ekonomska škola sa 22 učenika, elektrotehnička škola također sa 22 učenika i hemijsko tehnološka škola sa 22 učenika, što znači da mi očekujemo u tehničke škole 66 učenika.

Što se tiče stručnih škola mi bismo upisali ove godine 4 odjeljenja i to 4 kombinovana odjeljenja, kako bi učenicima pomogli što veću lepezu tih zanimanja. Radimo bi se po dva zanimanja u okviru jednog odjeljenja. Ponudili bi elektromehaničar 12 učenika, elektroenergetičar 12 učenika, zavarivač 12 učenika, metalostrugar 12 učenika, krojač 12 učenika, frizer 12 učenika, prodavač 12 učenika, proizvođač celuloze i papira 12 učenika. Dobili smo još jednu informaciju da imamo jednog učenika sa posebnim potrebama tako da bi smo mogli imati jedno odjeljenje PK knjigovezac. U stručnim školama očekujemo 97 učenika, i sve ukupno negdje oko 163 učenika.

Da li će to tako biti mi ne znamo, ali se nadamo da ćemo uspjeti upisati makar približan broj učenika u našoj MSS kao do sada, jer prošle godine smo u prve razrede upisali 160 učenika.

I mi kao i Gimnazija vas molimo da nas podržite u ovom našem planu upisa za ovu školsku 2017/18. godinu.

Na kombinovana odjeljenja smo išli zato da bi sve ove informacije koje smo skupili tokom anketa i preko naših uposlenika i ono što oslušujemo od naše lokalne zajednice, potrebe lokalne privrede išli smo na to da uradimo to sa kombinovanim odjeljenjima. Zaista se nadamo da će nam ovo proći i da ćemo uspjeti upisati ono što smo zamislili.

Ukoliko imate nekih nejasnoća pošto se radi o kombinovanim odjeljenjima možete nam pismeno uputiti vaše neke sugestije i možemo dalje razgovarati o tome.

**Vijećnik Muhamed Hrnjić**, ja se ne bih složio sa ovim izvještajem zamjenice direktora MSS. Ako ste zapazili za ove protekle četiri godine, ja sam svake godine insistirao i izlazio iza ove govornice raspravljao vezano za upis učenika u tekstilnu školu. Sad me ovo razočaralo. Tražio sam da budu dva odjeljenja u jednoj godini i to po 22 učenika, pa je onda rečeno da svake druge godine bude po jedno odjeljenje po 16 učenika, a ovdje stoji 12 učenika. Treba da se zna da u Maglaju su tri tekstilne firme. Ovo što zamjenica direktora kaže da su razgovarali s nama privrednicima, ja razgovaram već četiri godine i dva mjeseca pred novu godinu u Općini obavimo razgovor i da se neko obećanje da će biti upisa. U 11-om mjesecu prošle godine ja sam primio 32 radnika, nećete vjerovati najviše sam primio iz Ozimice učenika koji su se školovali u Žepču. Trenutno u Žepču su prijavljena 3 odjeljenja, u Tešnju tri odjeljenja i mislim da je trebala da se povede diskusija sa nama privrednicima šta nama treba i koji kadar nam treba. Koliko znam papirničara na Birou ima koliko hoćete. Ja uposlenih najviše imam papirničara za koje moram vršiti prekvalifikaciju. Vidim da je i za ovu godinu predviđeno 12. Ovo je četvrta godina kako stalno insistiram na ovome, pa evo i ova godina. Možda slijedeće neće biti upisanih učenika za ovo zanimanje.

**Vijećnik Mirza Bradarić**, ja ću se malo nadovezati na ovu problematiku. Nažalost i kod nas u osnovnim školama je sve manji i manji broj i upisa u prve razrede, a i ovih koji izlaze. Šta će na kraju biti da li ćemo uvažiti ove prijedloge Komisije za obrazovanje itd. vidjet ćemo.

Direktorica gospođa Hidić je spominjala medicinsku školu, spominjala je Tešanj. Ja sam htio postaviti pitanje. Kada ste izrađivali tu anketu šta je bilo ponuđeno, da li ste ponudili samo škole koje su ovdje navedene, ili je bila možda i ona stavka ostali? Šta su učenici završnih razreda OŠ, mogli da zaokruže? Da li su bile samo ove opcije ili je bilo i ono ostalo, pa da učenici dopune ravnu liniju, ako je postojala i da li je među tim ostalim opcijama bilo npr. medicinska škola, neka druga stručna škola itd?

**Vijećnik Nedžad Lokmić**, da se nadovežem na kolegu Bradarića u vezi ovih pitanja. Da li se tim učenicima kaže upravo ovo što je gospodin Hrnjić iznio? Da će ako ih se 40 upiše i završi za tri godine školu, svi biti zaposleni. Da li im se to prenese, da li djeca znaju za te ponude, obećanja, garancije. Nemamo ništa protiv toga da se upošljavaju i radnici iz drugih općina, ali naravno, i ja bih zaposlio ako vidim da nema nikoga iz Maglaja.

**Mujkanović Samira**, prvo bih odgovorila gospodinu Hrnjiću na njegovo pitanje.

Ove godine mi smo dali prijedlog za 12 učenika, objasnili smo zašto smo išli na 12 učenika da bismo ponudili djeci što više tih zanimanja koja su bila predstavljena u anketi. Zašto ove godine 12 učenika, zato što već imamo jedan razred, ove godine smo upisali također tekstilne stručne škole. Imamo već drugi razred tekstilne stručne škole, znači ove godine smo samo smanjili taj broj da bi ponudili djeci i druga zanimanja i da bi sve mogli da uštimamo. Nije istina da neće biti tih krojača, na kraju naša škola radi prekvalifikacije, ako neko želi može se i prekvalifikovati. Ne možemo mi sad otvarati dva odjeljenja neke škole, a ovamo sa Biroa dobijamo da se traže zavarivači, metalostrugari i da mi to sad djeci ne ponudimo. Traže recimo i firma iz Slovenije i drugih zemalja traže taj kadar, a i naši traže taj kadar. Znači da bismo ponudili što širu lepezu mi smo došli do zaključka da ponudimo kombinovana odjeljenja sa manje učenika a da bi bilo što više zastupljeno.

**Vijećnik Muhamed Hrnjić**, napravite analizu za posljednje tri godine da li je i jedan tekstilac na Birou? Svi ostali imaju na Birou. Još nešto meni ni jedna OŠ nije došla u posjetu da dovedu devete razrede i da djeca vide gdje će se opredijeliti. Vi u školi trebate da zadovoljite naše potrebe privrede, meni je svejedno da li bili radnici sa područja općine Žepče ili druge općine.

**Mujkanović Samira**, mi ćemo uzeti k znanju i vaše mišljenje, ali vam još jednom ponavljam zašto smo mi to uradili sa 12 učenika. Mi moramo poštivati i druge što traže, prema tome mi smo tako išli. To je prijedlog, ako imate vi još kakvih prijedloga možete sugerisati i dostaviti nama i možemo održati sastanke.

Koliko ja znam ove škole koje sam nabrojala bile su ponuđene u anketi za druge ne znam. To vam ja ne bi mogla lično odgovoriti jer nisam imala ja pred sobom te ankete. Mi ćemo vama to dostaviti u pisanoj formi. Pošto ja ne radim na tim anketama, ja imam samo ono što mi je rečeno, ali ja nisam išla na te ankete, ali vjerujem da im se objasni, na njima je da odluče i na njihovim roditeljima. Ne možemo mi a mislim da i Osnovna škola može nešto po tom pitanju odraditi, da devete razrede odvede u te firme i neka vide. Da dostave neke svoje zaključke pa da svi zajedno. Ja govorim ispred MSŠ šta mi i na osnovu čega dajemo takve prijedloge.

**Vijećnik Hajrudin Ferić**, podržavam prijedlog Predsjedavajuće da se organizuje jedna tematska sjednica po ovom pitanju. Zaslužuje i ova rasprava da se puno toga i detaljnije uradi. Ovdje mi nekako sve u rukavicama diskutujemo. Kad je u pitanju upisna politika pogotovo u MSŠ mora do iduće godine puno tih odgovora da se da kad je u pitanju MSŠ. Vi znate da su u Maglaju najbrojnija zanimanja na Birou, frizer, trgovac i bravar. Pogledajte dalje u kantonu, fizer, trgovac, medicinski tehničar. U federaciji, frizer, trgovac, medicinski tehničar. Ovo o čemu govori gospođa Amela za medicinske tehničare, ovo je problem svih da ih je višak i da odoše u inostranstvo. To je jedna vrsta problema, druga vrsta problema koja će biti u MSŠ prijedlog Zakona o unutrašnjoj trgovini je na raspravi 45 dana. Po tom prijedlogu koji će sigurno biti usvojen sa osnovnom školom će se moći baviti ljudi, moće da radi u prodavnicama, tako da će se izgubiti smisao uopšte ovog odjeljenja, dok u isto vrijeme govorimo o potrebama privrede, a treba otvoriti pitanje tog eventualnog viška ili prekvalifikacije. Šta se može u nekom periodu učiniti da se zadrži kadar a da se polako počne mijenjati upisna politika.

**Vijećnica Selma Avdić**, pošto ja radim u privredi i dosta mi te djece dolaze, to su totalno nezainteresovana djeca. Koliko god se vi trudili da njima date znanje, da ih zainteresujete da govorite da se trudite, da kažete im ukoliko želite doći na razgovor trebate to pripremiti, vjerujte njima na jedno uho ušlo na drugo izašlo. Ja mislim da djeca žive u nekim svjetovima, oni misle da sutra mogu vodati djevojke, vozat automobila, uzimat od babe pare za kafu, to je žalosno, ali to je naša današnja svakodnevica. Mislim da odgoj i to sve prvo izlazi iz kuće, ali djeca prvo ne žele da uče, vrijeđaju roditelji prosvjetne radnike, što je žalosno napadaju te ljudi koji nisu krivi ni zašto. Neka prvo svako preispita sebe i svoje dijete i neka svako usmjeri svoje dijete na pravi put da završi on što treba. Mislim da nestane Gimnazija u našem gradu bi bilo strašno i žalosno, a također i MSŠ. Ukoliko se može svakom izaći u susret, svakom privredniku treba da se izađe u susret i tako želim da kažem da svi mi trebamo usmjeravati našu djecu u ovom gradu.

**Amela Hidić**, ja nisam u funkciji vijećnika, nekad sam bila, ali kao odgovoran građanin osjećam potrebu još jedanput da progovorim. Ovo što je gospođa Avdić rekla jeste naša svakodnevica i to samo pokazuje kolika je težina posla prosvjetnih radnika. Mislim da vijećnici bi malo ozbiljnije trebali razgovarati o ovoj temi. Iza ovoga stoje puno veći i dublji problemi. Treba kazati bez obzira što su naša djeca takva kakva jesu, ja i susrećemo se sa raznim i velikim problemima, mi smo tu da im pomognemo, da ih usmjerimo i ja sam uvijek na strani djece bez obzira kakva su. Sa kakvim se iskušenjima oni danas susreću sa različitim tehnologijama, savremenim svijetom, ja sam zato da se našoj djeci pomogne i da ih zadržimo u našoj domovini.

Ja bih htjela sugerisati Načelniku i vama vijećnicima da pokušate naći odgovore makar na lokalnoj zajednici kako obezbijediti trudnicama trudnočko bolovanje, a da im ono bude plaćeno. Kako stimulisati mlade ljude da rađaju djecu, odnosno mlade žene i kako im ponuditi... Treba raditi na tome da se mladi ljudi zadrže ovdje, treba im ponuditi posao. Postoji nekoliko važnih pitanja, podsticaj mladim ljudima, od zaposlenja, od stambenog pitanja, potpore porodiljama itd. da bi mi došli do ovog pitanja o kojem danas govorimo, a to je opis u osnovne i srednje škole. Hoću da kažem da je čitav niz problema da se treba njima baviti i da ne treba olako danas ovo pitanje raspraviti. Ja sam uvijek uz naše učenike, hoću i želim da ih zadržimo a posebno želim da ostanu u gradu i da egzistiraju ove škole.

**Vijećnik Firuz Galijašević**, imam dva pitanja za gospođu iz MSŠ.

1. Kada je zadnji put izašao kadar građevinske struke? Građevinski tehničar ili zidar-fasader?
2. Postoji li mogućnost da se formira nekada to odjeljenje?

**Mujkanović Samira**, šta da vam kažem, malo prije sam pokušala da vam prenesem tu našu problematiku. I direktorica Gimnazije vam je rekla. Da li je moguće otvoriti građevinsku školu? Moguće je ako budemo imali kadar koji bi tu radio i moguće je ako bi dobili odobrenje za tu školu. Vrlo dobro znate koliko smo se godina borili i za ovu tekstilnu školu. Nije sve samo na nama, svašta bi mi mogli da upišemo ali ponekad ne dobijamo zeleno svjetlo ni od koga. Nekad u Maglaju je bilo 2000 učenika. Mi ćemo sad dobiti iz osnovne škole 209 učenika i trebamo ih rasporediti u dvije srednje škole u Maglaju. Kako da upišemo 50 učenika u dva tekstilna odjeljenja, gdje će raditi ostali profesori ostalih struka, a već imamo dva odjeljenja krojača... O ovome treba duboko razmišljati a ne ovako površinski razgovarati. Trebamo voditi računa o svima.

**Vijećnik Safet Jašić**, ja imam samo jedno pitanje za direktoricu Gimnazije i pomoćnika direktora MSŠ.

Da li imate podatke o svim učenicima koji završe osnovno obrazovanje, da li upišu srednju školu? Ja mislim da nemate i mislim da ne upišu svi. Treba se pozabaviti problemom zašto ta djeca ne upišu srednju školu. Sve su to socijalni problemi i neko je govorio o mjesečnoj karti. To je problem i izgubimo sigurno deseta djece. Što se ne bi

malo i sa tim pozabavili. Da vidimo koji su to učenici koji završe osnovno obrazovanje a ne pojave se u srednjoj školi. I to je jedan posao od direktora, od anketa.

**Mujdža Osman**, direktor OŠ «Maglaj» Maglaj

Zahvalio bih se gospodinu Vehaboviću na ovom prijedlogu u angažovanju psihologa ( po principu logopeda ), te nađe način da se poboljša saradnja JU Dom zdravlja Maglaj i obrazovnih institucija unutar općine Maglaj. Hvala i Azri što je omogućila angažovanje logopeda u školama...

Treba omogućiti svima besplatan prijevoz i onda bi nam bio riješen problem.

Što se tiče dva pitanja vezano za Fojničane. Oni su se obraćali i prije Općini Maglaj, nakon toga uslijedio je ponovo zahtjev novom Načelniku. Nakon dopisa Ministarstvu i Vladi od strane Načelnika općine, mi smo pozvani i imali smo dva odvojena sastanka. Mi očekujemo od Ministarstva obrazovanja instrukcije šta da radimo sa ovim prostorom u Bradićima. Inače to nije moja nadležnost, nadležan je Školski odbor, imovina je na njima i ja tu mogu biti neki polupotparol.

Što se tiče analize vode i to nije moja nadležnost, nadležan je Dom zdravlja Maglaj, radi preko Kantonalnog zavoda za zdravlje. Radi četiri puta godišnje analizu vode. Nalaz iz Fojnice je ponekad dobar, ponekad nije. Imamo perioda kad je pitka voda, nekad nije itd.

Što se tiče OŠ «Maglaj», treba riješiti platane, bar ih nekako posjeći, angažovati neku firmu privatno ako nema Općina Maglaj, ako nema KJD te sprave, da se bar malo obrežu ti platani jer padaju grane na učenike, na uposlenike na roditelje i može se desiti da neko pogine nedaj Bože. Školi je teško prići, ima ogroman broj rupa kad krenete od solitera do škole. Pasa lotalica je oko škole i u gradu i nemoguće je ući ne u školu, nego i u grad. To su ona pitanja koja sam ja naveo u izvještaju. Imamo ogromne probleme pitka voda nemamo je u Bočinji, u Tujnici u Liješnici. Tri škole i uvijek je ovaj problem bio naglašen i nije istina da se prvi put spominje ovdje.

**Vijećnik Benjamin Čičkušić**, moj kolega Armin nije ovdje, a on i ja smo jedne prilike pričali o ovom problemu, o cijeloj problematici mladih ljudi. Pričali smo o tome šta bi mi mogli uraditi kad uđemo u Općinsko vijeće, mladi za nas, za sve kolege koji su završili škole. Nekako u razgovoru sa našim kolegama i kolegicama, vidjeli smo nezadovoljstvo upravo politikom koja je na nivou cijele države. Mislim da je najveći problem politička situacija, koja je nepovoljna i koja mladima ništa ne nudi poslije školovanja. Sam ja sam završio gimnaziju Maglaju, poslije sam otišao iz zemlje, nisam našao nešto da bih i kad završim fakultet, sad sam završio fakultet i vjerovatno ću biti na Birou nekoliko godina i pitanje je da li ću ikad dobiti posao sa svojom strukom. Mislim da je broj jedan politička situacija u našoj zemlji tj. da mi političari ne angažujemo se dovoljno da bi nešto mladim ponudili kako bi ostali ovdje. Drugo je problem, opća nezainteresovan mladih valjda su se utopili u ovo sivilo naše zemlje i situacije kakva jest. Mladi neće da ostanu ovdje da će otići i raditi bilo šta i gdje, nego da ostanu ovdje i da rade za nekih. Mislim da mi lokalno možemo nešto djelimično promijeniti, ali da ne možemo baš da donesemo neku veliku promjenu i da to zavisi od viših nivoa. Volio bih da mogu sutra pomoći nekom od svojih kolega da dobije posao ili da se ja zaposlim. Mislim da treba pronaći nekakav sistem koji bi omogućavao mladim da poslije srednjih škola da imaju cilj kako bi poslije toga znali da će biti poslije toga zaposleni kako bi ostali u ovoj zemlji. Znam da ima dosta mladih koji nisu upisani srednju školu, trebalo bi voditi evidenciju i vidjeti šta je razlog i na neki način im pomoći.

**Predsjedavajuća OV**, predložiti ću pauzu i da ovu diskusiju privedemo kraju. Diskusija je zaista bila iscrpna. Jedna konstatacija samo što se tiče upisne politike, da ta upisna politika treba da bude razmatrana još ranije u toku godine i mislim da i u ovom momentu i kad je sve pripremljeno za upis učenika u srednje škole, mislim da malo kaskamo za aktivnostima koje su trebale biti poduzete još ranije. Samo sugestija nama kao OV da upisnu politiku razmatramo dosta ranije. Uzimajući u obzir sve iznesene sugestije i prijedloge, molim da Općinski načelnik prije sumiranja svih ovih zaključaka iznese podatke stanja u Budžetu vezano za finansiranje autobuskih karata.

**Općinski načelnik Mirsad Mahmutagić**, dopredsjedavajući je pitao za finansiranje karata za prijevoz učenika. Mi smo planirali u Budžetu određene iznose i to je za finansiranje socijalno ugroženih učenika. Iz škola su dostavili spiskove i to ide redovno. Ovdje se radi da bi eventualno iz Kopica plaćali neku razliku da niko ne ide u Žepče da ide u Maglaju, mislim da se trebaju dati odgovori i koliko bi to koštalo. Treba napraviti analizu i da vidimo, u svakom slučaju nam je interes da nam djeca idu ovdje u školu u Maglaju, a ne da idu u škole izvan Maglaja. Danas je već neko spomenuo da zaista treba napraviti jednu tematsku sjednicu kada je u pitanju školstvo, očigledno se susrećemo sa različitim problemima, i vi koji radite u školama i vodite škole i učenici, roditelji i mislim da bi to dalo određene rezultate. Ono što me žalosti ovdje, gospođa Samira pomoćnik direktora u SMS danas prvi put je ovdje pa očigledno niste u toku da se ova pitanja protežu iz godine u godinu i svaki put se dovedemo na neki svršen čin... Nema pokušaja u SMS da se nešto sistemski riješi. Ja razumijem u Gimnaziji, Gimnazija pleše stalno po ivici ambisa da se postigne dovoljan broj učenika da bi bilo dovoljno odjeljenja da ostane škola i svake godine taj problem nekako se prevaziđe i Gimnazija funkcioniše. U SMS se još niko nije potrudio da prstom mrdne da vidi, lako je napraviti anketu sa onim što vama odgovara. Treba poslušati i šta kažu u Vijeću, šta kažu oni što zapošljavaju... Ja bih zamolio za jednu kraću pauzu da sumiramo zaključke i volio bih da u skorije vrijeme napravimo jednu tematsku sjednicu po ovom pitanju da određene probleme raščistimo.

Pauza za koalicioni blok

**Predsjedavajuća OV**, na ozbiljnost ovog problema ukazuju dužina diskusija koje smo vodili po pitanju upisne politike u srednje škole nego bilo što drugo i naravno upisne politike u osnovne škole.

Iz diskusija proizilazi da najozbiljniji problem nailazimo u upisnoj politici mješovitih srednjih škola, odnosno pozivi koji se nude prilikom upisa, obzirom da nije bilo konkretnih prijedloga koji se mogu ticati ili koje možemo riješiti u ovom periodu a vezano za upis u škole za ovu školsku godinu koja slijedi 2017/18. usaglasili smo se da predložimo održavanje tematske sjednice Općinskog vijeća koja bi uslijedila odmah nakon septembra, nakon što dobijemo nekakvu analizu samog upisa, nakon što škole završe svoju godinu Programima rada. Mi znamo da tu imaju veliki broj obaveza, pa da početkom oktobra mjeseca zakažemo tematsku sjednicu na koju bismo pozvali sve relevantne predstavnike sa kantonalnog nivoa, ukoliko bude bilo potrebe možda i sa višeg nivoa vlasti, da uključimo i realni sektor, privredne lokalne zajednice, Biro za zapošljavanje, predstavnike škola i sve ostale koji bi možda i Službu za BiZ koja se bavi nekim pitanjima iz svoje nadležnosti a vezano za poticaje određenih kategorija na društvo a koji se odnose na ova pitanja. Osim toga, podržavamo sve ovo što su iznijeli i direktori vezano za upisnu politiku i naravno da ćemo podržati i zaključke koje ćete i vi uputiti ka Ministarstvu. Nadam se da ovakav prijedlog uz informaciju može zadovoljiti, jer je zaista tema preširoka a imali smo pred sami upis da raspravljamo o ovim pitanjima. Mislim da u ovom momentu ne možemo promijeniti ništa kad je u pitanju Mješovita srednja škola. Osim toga, gospodinu Hrnjiću sugerišem da ispred realnog sektora upute jedan dopis koji bi otišao ka Ministarstvu a koji će ukazati na potrebe realnog sektora, odnosno struka na kojima vi stalno insistirate pa možda će Ministarstvo to uvažiti i za ovu školsku godinu. Drago mi je da su i Gimnazija i SMSŠ iznijeli svoje zajedničke stavove po pitanju upisne politike za ovu školsku godinu.

Predlažem da se :

- **Informacija o radu i planu upisa u osnovne i srednje škole na Općini Maglaj prima k znanju.**

Stavljam prijedlog zaključka na glasanje

## Z A K L J U Č A K

- 18.1. U oktobru 2017. godine planirati Tematsku sjednicu – obrazovanje i upisna politika na području općine Maglaj, uključiti sve relevantne faktore sa kantonalnog i ukoliko je potrebno i viših nivoa vlasti. Uključiti realni sektor, privrednike općine Maglaj, Biro za zapošljavanje, predstavnike škola, Službu za BiZ, opću upravu i društvene djelatnosti.**
- 18.2. Općinsko vijeće podržava zaključke koje su zajednički potpisali direktori srednjih škola u Maglaju i koji će biti upućeni ka MONKS.**
- 18.3. Ponoviti Inicijativu Općinskog vijeća Maglaj ka MONKS-u, a vezano za uvođenje obaveznog srednjeg obrazovanja po uzoru na druge kantone koji su to već uradili.**
- 18.4. Komisija sugeriše Općinskom vijeću da se pokuša naći rješenje sa višim nivoima za problematiku manjka broja djece u osnovnim i srednjim školama, a prije svega da se riješi pitanje koje se odnosi na higijenu i pitku vodu unutar tih ustanova.**

Usvojeno jednoglasno

**AD - 19. Inicijativa za izmjenu naziva kino sale u Maglaju po prijedlogu Francuske ambasade.**

**Predsjedavajuća OV**, inicijativa Općinskog načelnika za izmjenu naziva kino sale u Maglaju.

**Općinski načelnik**, ono što sam rekao kad smo razmatrali dnevni red sasvim je dovoljno. Ukoliko ovo podržimo ja ću u ponedjeljak se vidjeti sa ambasadoricom u Jajcu, tako da bi iznio našu inicijativu ukoliko prođe na Vijeću i da idemo dalje u proceduru.

**Dopredsjedavajući OV**, izjasnit ćemo se kako smo se i dogovorili, samo želim sugerisati da na jednoj od narednih sjednica mi i ako bude bilo potrebe donesemo odgovarajuće odluke, jer možda će morati i JU Dom kulture u svojim aktima da eventualno nešto mijenja. Tako da to ima jednu svoju težinu i kroz Odluku Općinskog vijeća.

## Z A K L J U Č A K

**19.1.USVAJA SE Inicijativa Općinskog načelnika za pokretanje procedure konsultacija sa predstavnicima Francuske Ambasade u BiH o utvrđivanju naziva Kino sale, Doma kulture Maglaj po istaknutom francuskom umjetniku.**

**19.2.Zadužuje se Općinski načelnik da preduzme potrebne aktivnosti radi konsultovanja predstavnika Francuske Ambasade u BiH, te da nakon toga predloži odgovarajuće Odluke Općinskom vijeću na usvajanje i mjere za provođenje iste.**

**Glasalo je 13 za** - Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević ( SDP), Hajrudin Fermić, Fikret Delić ( DF), Muhamed Hrnjić, Mustafa Bešić ( SBB), Mustafa Buljubašić ( samostalni vijećnik , Elvir Vehabović ( SBiH), Josip Jurišić (HDZ).

**Glasalo je 9 protiv** - Adis Abdurahmanović, Selma Avdić, Kanita Bašić, Mirsad Bejzić, Edib Delić, Benjamin Čičkušić, Safet Jašić, Ermina Muminović, Dženita Smajlović ( SDA ).

### **Brifing Općinskog načelnika između dvije sjednice:**

- Prije svega ja bih krenuo sa činjenicom da za koji dan je 3 godine od dešavanja poplava i klizišta. Pokrenuli smo jednu inicijativu, jedno druženje da se 14.05.2017.godine okupimo na obali rijeke Bosne na ovom potezu od gradskog mosta pa uzvodno prema stadionu. Koristim priliku da vas sve pozovem na druženje. Druženje je po principu ko sebi šta ponese.

Kada su u pitanju aktivnosti koje su se odvijale u međuvremenu ili su još u toku ja bih pomenuo slijedeće:

U toku je rekonstrukcija sjevernog ulaza u grad. Nažalost vremenske prilike su te koje ne dozvoljavaju završetak radova u planiranom roku koji su trebali do sad biti završeni, ali je bolje i koji dan prolongirati završetak radova da se postignu pravi rezultati koji i omogućavaju završnu fazu asfaltiranja. Nadamo se da će se ovo vrijeme ustabiliti kako bi završili taj projekat, i kako bi mogli doći u situaciju da ne ometamo dinamiku radova koja se odvija u ulici Srebreničkih žrtava rata. Na tom dijelu u zadnjih 15 dana nismo zadovoljni dinamikom radova i zbog čega je gospodin Hajrulahović već reagovao i truditi ćemo se da se postavljeni rok ispoštuje do kraja.

Kada je u pitanju sanacija ulica to smo danas kroz raspravu o programima i izvještajima dogovorili da idemo prioritarno sa sanacijom oštećenih dionica iz programa održavanja, a ostalo ćemo kako smo se već danas i dogovorili. U ovom dijelu smo se dogovorili da idemo u redovno održavanje i firma koja je dobila redovno održavanje je prije nekoliko dana odustala i ide ugovor sa drugorangiranom firmom.

Slijedeće sedmice 16.5. u utorak idemo sa početkom radova na izgradnji stambenog kolektivnog objekta po programu CEB II. To je za onih 15 stambenih jedinica.

Aktivnosti oko realizacije mješovitog groblja na lokaciji Omerdino polje ste informisani danas kroz tačku dnevnog reda, idu svojim tokom i u skladu sa zadatim rokovima.

U toku je sanacija 54 stambena poplavljena objekta od strane Turske agencije «TIKA». Bilo je komentara korisnika ovog programa, žalili se na kvalitet, činjenica je da je bilo 70 i nešto prijavljenih osoba, da su u TIKI odredili konačan spisak, tako da je to nešto što ide u realizaciju.

Moram napomenuti da sam kod premijera Galijaševića imao dva sastanka oko aktivnosti na pokretanju rudnika Brezovi Dani gdje su bili i predstavnici firme BBM. Gdje se nalazimo u konačnici, da li firma BBM ide dalje u proceduru ili ne na koji način. Sa ta dva sastanka, ključna stvar je ako se nastavi u proceduru otvaranja rudnika Brezovi Dana, nećemo i ne smijemo ići na štetu lokalne zajednice stanovnika koji se nalaze u tom dijelu i nećemo ništa završiti bez da uključimo njih. Ja očekujem već iduće sedmice organizovat jedan sastanak ovdje sa predstavnicima Mjesne zajednice Brezove Dane-Domislica i da krenemo u ovu proceduru. Vidjet ćemo kako će se okončati.

Spomenuo sam danas da se poduzimanju aktivnosti oko aktiviranju na povećanju prihoda, poštujući i zakonske procedure, ali isto tako i razgovore sa Premijerom i Direktorom Poreske uprave ZDK. Ja sam razgovarao sa Premijerom o tom problemu dogovorili smo se da pošaljem dopis jedan zahtjev za sastanak sa Premijerom i Direktorom, pa ćemo obaviti i to i vidjet ćemo ovaj dio koji nas koči u Poslovnici u Maglaju.

Ona saznanja koja ja imam ono nevjerojatno sa snijegom sa mrazom, nažalost kada sam bio u Kopicama vidio sam strašne prizore, nije bolje ni na ostalim mjestima gdje sam uspio obići i slično je i u Misurićima, Jablanici, gdje god je malina posađena. U tom trenutku u Kopicama je izgledalo puno gore nego što jeste i vjerujem da neće biti 20-30% uroda. Sad se procjenjuje da je šteta između 10 i 30%, pa i vlasnici malinari su na neki način ove informacije koje sam ja dobio na neki način ohrabreni da nije onolika šteta kako je to izgledalo u prvom trenutku.

Želim napomenuti da je pri kraju je i izrada Strategije razvoja poljoprivrede. Za sutra je zakazana prezentacija koju će održati profesor Nezir Tanović a na koju su pozvani naši poljoprivrednici. Nakon prezentacije urađenog, nakon sugestija naših poljoprivrednika, eventualno potrebe dorade Strategije ona će se naći na dnevnom redu Općinskog vijeća.



Raduje me činjenica da će tokom ove godine biti i otvaranja novih radnih mjesta. Posebno se nadam dolasku jedne strane firme u Maglaj s kojom smo u toku u nekim početnim kontaktima. Danas u toku sjednice sam dobio poruku ukoliko budu zadovoljni, nema razloga da ta firma ne počne sa radom u Maglaju. Radi se o ozbiljnoj firmi i već je određeni broj otišao na obuku i vratio se iz Švicarske. U toku je izgradnja pogona firme ADV Pack ide planiranim tokom gdje smo mi bili više nego kooperativni što su potvrdili i sami investitori. O još nekim radnim mjestima o kojima imam saznanja, ne bi u ovom trenutku govorio.

Kada su u pitanju kontakti sa međunarodnom zajednicom želim istaći da sam u ovom periodu bio gost u Ambasadama Republike Turske i Republike Češke. U ponedjeljak imamo susret u Jajcu sa ambasadoricom Francuske, tiče se turizma. Sutra i prekosutra imamo posjetu jedne austrijske delegacije pa ćemo vidjeti šta će iz toga proizaći.

Želim napomenuti da od 1.6.2017. godine ide otvaranje manifestacije Studentsko ljeto i održavanje Malog ljeta. O detaljima ćemo biti upoznati blagovremeno.

02.06.2017. godine u 20,00 sati, pod pokroviteljstvom Turske općine Bajrampaša (Istambulska općina) će biti organizovan masovni iftar na otvorenom. Iftar će biti organizovan na potezu od Tržnog centra prema slastičarni Piramida za nekih 2.000 osoba.

To je od prilike što se dešava između ove dvije sjednice, a što nije vezano za redovne aktivnosti službi, Općine i Općinskog načelnika. Ukoliko bude nekih pitanja stojim na raspolaganju.

## VIJEĆNIČKA PITANJA I INICIJATIVE

### **Vijećnica Selma Avdić.**

Tražim odgovor na rad Javne ustanove Dnevni centar za djecu sa posebnim potrebama u Maglaju.

Po žalbama roditelja da Dnevni centar radi samo tri dana u sedmici sa samo jednom polovicom jedne grupe djece, a da ostala djeca putuju ili se prevoze u Dnevni centar u Žepču.

Zato tražimo od Općinskog načelnika ili resorne Službe da provjere ove informacije i zahtjeva da Javna ustanova Dnevni centar za djecu sa posebnim potrebama radi čitavu sedmicu a da naša djeca se dovoze u Dnevni centar u Maglaju. Pošto jednim dijelom Općina Maglaj finansira ovaj Dnevni centar a imamo i uposlenike iz Maglaja, tražimo da Dnevni centar sa djecom i Maglaja radi u Maglaju. Roditelji se žale da djeca dolaze autobusom u Maglaj pa presjedaju i putuju dalje za Žepče i da tu nastaju i dodatni troškovi tj. mjesečne karte, a upitna je i sigurnost djece.

Javna ustanova Dnevni centar u Maglaju koristi besplatan prostor tako da nije uopšte upitan rad istog. Tražimo takođe da Vijeće zauzme stav po pitanju rada Javne ustanove Dnevni centar za djecu sa posebnim potrebama u Maglaju, a zadužiti Službu da ispita sve navode ovog zahtjeva.

### **Vijećnica Selma Avdić – ispred Kluba SDA.**

Vijećnička inicijativa

Obzirom da nisu isplaćena sredstva za poticaj poljoprivrednim proizvođačima i naknade za štete prouzrokovane elementarnom nepogodom u avgustu mjesecu 2016. godine na novošeherskom kraju, te štete koje su nanese poljoprivrednim proizvođačima zbog snijega i mraza u aprilu mjesecu na području cijele općine Maglaj, pokrećemo inicijativu za izradu Rebalansa Budžeta, te da se u rebalansu poveća pozicija poticaja za poljoprivrednu proizvodnju za visinu sredstava koja nisu isplaćena za posljednji kvartal 2016. godine, te predlažemo da se otvori nova pozicija za jednokratne pomoći poljoprivrednim proizvođačima sa područja općine Maglaj, a na ovoj poziciji bi trebala biti planirana sredstva za jednokratne pomoći koja bi bila isplaćena poljoprivrednicima novošeherskog kraja za štete koje su nanese elementarnom nepogodom u avgustu 2016. godine i iznos jednokratne pomoći za štete koje su pretrpjeli poljoprivrednici sa cijelog područja općine u aprilu mjesecu zbog snijega, velikih minusa i mraza.

### **Vijećnik Josip Jurišić.**

Radi se o inicijativi n/m Mladoševica još od prošle i pretpošle godine za formiranje MZ Mladoševica.

Dokle se došlo s inicijativom mještana naseljenog mjesta Mladoševica za formiranjem MZ Mladoševica. Molim da mi se dostavi pismenim putem kronologija dešavanja vezano za formiranje navedene MZ i razlog neformiranja iste.

### **Vijećnik Mirza Bradarić.**

1. Prvo pitanje tiče se željezničke stanice u Maglaju i starih vagona koji stoje tamo dugi niz godina. Svi smo svjedoci i svaki dan gledam te vagone. Razne grupe ljudi se okupljaju u tim vagonima, pa jednim dijelom je i sklonište za pse lualice.

Da li je moguće da Načelnik, određena služba ili neko ko može vladati tom materijom stupi u kontakt sa Direkcijom Željeznicama FBiH i da ih pitaju da li je moguće, ili u nekom budućem vremenu u planu da se oni stari vagoni maknu sa naše željezničke stanice?

2. U ulici Kulina bana ulica koja ide od autobuske stanice prema rijeci Bosni, u toj ulici je postojao znak nosivosti od 4 tone. Dobio sam informaciju da je jedan od naših prevoznika uklonio taj znak i da sada tom ulicom se kreću i autobusi i veliki gabaritni kamioni velike težine, što direktno predstavlja opasnost i za stanovnike te ulice i za djecu itd.

Molim informaciju da li je taj znak postojao tamo, i da li je uklonjen? Ako jeste, da li je moguće da se taj znak vrati na staro mjesto kako bi se ograničila težina vozila koja saobraćaju tom ulicom.

**Inicijativa:**

Znamo da prije poplave su ovdje naročito u ljetnim satima u prelijepom parku svakodnevno se družila mala djeca sa roditeljima. Međutim, već je to oslabilo kako je ova ulica stavljena u promet. Obzirom da su sad svi uslovi ispunjeni nova ulica je završena, ja pokrećem inicijativu i to Načelnice ako je moguće što kraćem vremenskom periodu, da se u ovu ulicu između JU Dom kulture i Parka Ljiljana, ponovo vrate žardinjere kako bi ta ulica bila zatvorena za saobraćaj i bila bezbjednija za ljude koji izvedu djecu u park.

#### **Vijećnik Jašić Safet,**

Mještani Kopica 20 godina muče muku sa slabim naponom struje i 20 godina vodimo borbu da se napon poveća kako bi građani imali dovoljan napon, kako ne bi za naše blagdane uvijek bili u mraku.

Sada kada «Elektroprivreda» Elektrodistribucija žele investirati u izgradnju trafoa onda je problem nastao u Općini, tamo gdje ne treba. MZ se potrudila i riješila imovinsko pravne odnose u rekordnom vremenu.

Iz kontakata sa Elektrodistribucijom znamo da je zahtjev predat 14.03.2017.godine, a informacija iz Službe za urbanizam je da ne znaju za takav zahtjev.

Takođe znamo da je Općinski organ dužan riješiti zahtjev u roku od 15 dana pozitivno ili negativno kako bi MZ i Elektrodistribucija mogli otkloniti eventualne nedostatke.

Podaci iz Elektrodistribucije su da je MZ Kopica najugroženija kada je u pitanju napajanje električnom energijom.

Izdavanje nove urbanističke saglasnosti očekujemo u najkraćem mogućem roku.

#### **Vijećnik Jašić Safet– ispred Kluba SDA.**

Klub vijećnika SDA pokreće inicijativu za održavanje tematske sjednice Općinskog vijeća na temu:

Poljoprivreda na općini Maglaj i njen razvoj, otvaranje radnih (novih) mjesta u poljoprivredi, poticaj, te štete koje su pretrpjeli poljoprivredni proizvođači u aprilu mjesecu 2017. godine itd.

#### **Vijećnik Hajrudin Ferić,**

Imam obavezu da kažem da sam dobio odgovor na vijećničko pitanje postavljena na prošloj sjednici a vezano za bilo za broj i postavljanje taxi stajališta. Kvalitetom i sadržajem odgovora sam zadovoljan, taxisti su upoznati s tim. Druga je stvar šta oni misle o tome. Ja samo sugerišem Službi za privredu, nekad u onom periodu u septembru ili oktobru da će se ponovo raspisivati, da se razmotri mogućnost određivanja lokacije taxi stajališta i na području Novog Šehera. Tamo je koliko znam prilično prazan hod, a mogao bi taj prostor da se namiri ovim viškom zainteresovanih ljudi koji bi se bavili taxi prevozom. To je jedna sugestija.

1. Postoji li plan da se u Mjesnoj zajednici Jablanica na raskrsnici kod pekare finansiraju troškovi izgradnje natkrivenog autobusnog stajališta? Naime, poznato je da su autobuske linije na području Maglaj- Jablanica rijetke a javni prijevoz koriste uglavnom srednjoškolci i starije osobe koji su izloženi kiši, vjetru i drugim vremenskim nepogodama.

**Inicijativa:**

Činjenica je da mi već 5 mjeseci nemamo svoju web stranicu i činjenica je da postoje i zakonske obaveze i odgovornosti da se nešto i objavljuje na tim web stranicama, a osim toga mislim da je vrijeme i da se počnu dobivati određeni dokumenti, papiri, obrasci, servisne informacije koje su potrebne građanima i ljudima sa strane, potencijalnim investitorima itd. Ja iniciram da se donese na Općinskom vijeću jedan akt koji bi bio preporuka za unapređenje web stranice, sadržaja Općine Maglaj u skladu sa smjernicama i dobrim praksama zemalja u okruženju i sa uputstvom o izradi i održavanju službenih Internet stranica institucija BiH. Mogu na dugo i naširoko obrazlagati šta sve treba da bude sadržano i koja pravila i propisi, ali nema potrebe.

**Inicijativa:**

Da bez posebnog obrazloženja iniciram i predlažem da se na sjednici Općinskog vijeća Maglaj koja će biti održana u junu, planira i pripremi od nosioca izrade plana tematska tačka «Informacija o toku i aktivnostima na izradi Prostornog plana općine Maglaj», u obavezu osiguranja pristupa predstavnika Kantonalnog zavoda za prostorno uređenje i urbanizam koji bi bili jedni od uvodničara po toj tački.

#### **Vijećnik Delić Edib,**

Do sad sam postavio dva vijećnička pitanja i nisam dobio odgovor.

Ovom prilikom bih postavio jedno vijećničko pitanje.

1. Koliko je i koje projekte Općina Maglaj kandidovala višim nivoima vlasti, misli se na kanton, federaciju i državu za finansiranje u 2017. godini?

**Vijećnik Delić Fikret,**

Budući da dolazim iz Mjesne zajednice Kopice, gdje uveliko kruže priče kako ste vi Načelnice nekada negdje izjavili, rekli da u toku vašeg mandata neće doći niti jedna jedina marka niti će proći bilo kakav projekat za Mjesnu zajednicu Kopice.

Tražim od vas da mi odgovorite da li imam razloga da ovaj zahtjev predam ukoliko je ovo istina što sam naveo.

**Vijećnik Bešić Mustafa,**

Ja bih se malo nadovezao na pitanje Jašić Safeta. Kompletan novošeherski kraj je sa slabom strujom. Treba se potruditi i naći rješenje za poboljšanje ovog problema na tom području.

**Inicijativa:**

Ja sam čovjek koji dolazi iz poljoprivredne grane. Znam da je nemoguće nama namiriti štetu. Ja imam pet duluma voćnjaka i dulum i po malina. To mi je 70% budžeta. Ove godine mi ostalo nešto maline i malo kruške. Sve mi je otišlo. Nisam ništa dobio i ne moram ništa dobiti ako nema. Ja ne znam iz kojih sredstava da nam se pomogne, ali bih volio da nam se pomogne ako ima mogućnosti za to.

**Općinski načelnik – dao odgovore :**

- Vijećnik Bešić vi ćete na svoja ranije postavljena pitanja dobiti odgovore.
- Delić Fikret - ja sve što sam do sad izjavljivao, izjavljivao sam da ćemo raditi transparentno, pošteno i u svim krajevima. Jedino što sam ja izjavio na neformalnom mjestu u kancelariji Dragomira Dundera i Nermina Bešića je vijećniku Safetu Jašiću, kad je upitao nešto za Kopice, ovako sam Safete rekao; « Pa zar ljudima u Kopicama nije jasno da ne mogu preko tebe više ništa srediti». To je i to ponavljam i građanima mještana Kopicama. Zato što se služite lažima kao vijećnik. Služite se takvim stvarima, cijelo vrijeme svojim mještanima iznosite neistine.

Dakle, Fikrete iće Kopice kao što idu i drugi. Kandidujte projekte.

- Pitate šta je ove godine kandidovao, neki dan sam boravio sa vijećnikom Hrnjićem u Ministarstvu i vjerujte kako je prošle godine kandidovano od strane onih koji su vodili Općinu, da Maglaj nije ušao ni u jedan projekat. Od 12 općina, 9 općina je ušlo u projekte od kružnih tokova, donacija, izgradnje puteva Maglaj nije ni u jedan. Kandidovali smo naknadno, pokušali da dobijemo nešto vidjet ćemo kako ćemo proći.

- Vezano za taxi, moram reći da sam i ja razmišljao o taxi stajalištu u Novom Šeheru. Neću biti siguran, ali do idućeg raspisivanja ćemo provjeriti. Nisam siguran zašto to ovaj put nismo uvrstili, da li što niko nije zainteresovan da gore boravi ili tako nešto, provjerit ćemo te detalje.

- Inicijativa za web stranicu. Web stranica uveliko kasni i to ćemo riješiti u toku ove sedmice trebalo bi da bude probna verzija, a treba od strane Službi da se popune određeni sadržaji na web stranici. Web stranica bi već trebala da bude prezentirana, ali ja ću uraditi sve sa svoje strane da pokušamo slijedeće sedmice da pokušamo napraviti prezentaciju web stranice pa to je prilika da dođu i vijećnici i da nešto korigujemo ako treba.

- Inicijativa da bude neko prisutan neko od onih koji rade na izradi Prostornog plana. Slažem se. Molim vas gospođu Predsjedavajuća da planiramo ovu tačku na slijedećoj sjednici Općinskog vijeća.

- Jašić znate pitanje struje u Kopicama, problem Općine, zahtjev ima iz Kopicama i Služba za urbanizam i stoji kod mene. Meni nije jasno Jašiću da vi ne znate u svojoj mjesnoj zajednici šta se dešava. Vi imate gore mrežu «Elektroprivrede» HZHB. Sve ove godine imate problem sa strujom u Kopicama, Čobama, Gornja mahala u Šeheru. Dok sam bio u «Elektrodistribuciji» pripremao sam od ova četiri kritična mjesta pripremio sam tri projekta. Projekat Gornje mahale, projekat Čoba i projekat u Kopicama. Za Čobe je izrata ranije urbanistička, završeno sve, imovinsko pravni odnosi potpisano sve, pripremljena lokacija za novu trafo stanicu i to će ići u realizaciju. Sličan postupak je bio u Šeheru u Gornjoj mahali, to zna Nedžad. Bio je problem što niko neda placa za trafo stanicu. Poslije mene su riješili problem i placa, tako da će ići i taj projekat. Treća lokacija Kopice. Ja ne znam šta je Mjesna zajednica riješila? Riješio ja dok sam bio u «Elektrodistribuciji». Kada sam došao na mjesto Načelnika ja, Fuad Hajrulahović i Jasmin Habibović otišli smo gore i još smo korigovali trasu dalekovoda od džamije da ide niz put da ne ide stubovima između kuća onako gusto naseljeno i da se to uradi.

Stoji kod mene iz razloga što hoće SDA da se petlja svugdje. Dogovorena je lokacija za trafo stanicu i dođete vi i kažete ne, naću ja svog čovjek za to i dat ćemo mi njemu pare za to. Ne, nećete.

Sad ću vam reći iskreno problem postoji između ove dvije «Elektroprivrede». Da bi «Elektroprivreda» BiH napravila te objekte, mora dobiti suglasnost «Elektroprivrede» HZHB. U posljednje vrijeme odnosi u novošeherskom kraju ne funkcionišu između te dvije elektroprivrede. Ovog mjeseca je zakazan sastanak u Maglaju, potvrdio mi je gospodin Ivo Tadić jedan od direktora HZHB. Termin je potvrđen i direktorima BiH i na tom sastanku ćemo pokušati da riješimo problematiku općenito kad se radi o novošeherskom kraju. Nije samo problem izgradnje trafo stanice, problem se sada pojavljuje i kod priključka. Ko je nadležan, ko izdaje suglasnost, ko može priključiti? Itd. Nadam se da ćemo uspjeti riješiti te probleme. I ovo što stoji za Kopice, ja se nadam se ćemo se uspjeti dogovoriti tada, a pitanje kada će početi izgradnja ja se nadam što prije.

- Bešić, Domislina nije prošla u tom krugu, ali treba poraditi da i Domislina prođe u tom krugu, svaki dan

problem izgradnje trafo stanice, problem se sada pojavljuje i kod priključka. Ko je nadležan, ko izdaje suglasnost, ko može priključiti? Itd. Nadam se da ćemo uspjeti riješiti te probleme. I ovo što stoji za Kopice, ja se nadam se da ćemo se uspjeti dogovoriti tada, a pitanje kada će početi izgradnja ja se nadam što prije.

- Bešić. Domislina nije prošla u tom krugu, ali treba poraditi da i Domislina prođe u tom krugu, svaki dan će biti gora situacija. Što je više priključaka to će biti gora situacija. Posebno teška situacija se pojavljuje u momentima kada su u pitanju bajramski praznici, nova godina itd. To je nešto što moramo riješiti. Nešto je započeto, nešto sam započeo dok sam bio u «Elektrodistribuciji» itd. Vratit ću se «Elektrodistribuciji» pošto je bilo slično pitanje i vijećnice Selme.

- Mirza Bradarić pitanje šta možemo uraditi provjerit ćemo sa željeznicama.  
 - Znak nosivosti 4 tone u ulici Kulina bana, vidjet ćemo o čemu se radi.  
 - Zatvorit ovu ulicu ispred Doma kulture, tu smo dogovorili jučer i čekamo viljuškar da može prebaciti ove teže žardinjere i da se to zatvori, zaista ima potrebe.

- Inicijativa za Mjesnu zajednicu Mladoševica, dobit ćete pisani odgovor kompletan.  
 - Ostala su još dva pitanja uvažene vijećnice Selme Avdić. Kada je u pitanju šteta poljoprivredi malinarima. Mislim da je ovo čista demagogija. Sve vam je poznato a ni prošle godine niko nije poticao malinare iako su proizvodili. Niko ozbiljan ne bi i neće isplatiti dok ne vidi konačan rod. Mi možemo pričati da je 100% šteta. Zna se koliki su prinosi, kad se ubere tek tada će se znati šta je. Da li ćemo mi namiriti štetu? Šteta se desila u skoro cijelom području BiH, ali ja ću se zadržati na području FBiH, vjerujem ako uvaženi Premijer obezbijedi sredstva za namirenje ovih šteta vjerujem da neće zaobići ni nas i da ćemo i mi to dobiti.

- Javna ustanova za djecu sa posebnim potrebama, čudi me da ste postavili ovo pitanje. Ja ću roditeljima odgovoriti. Ovu ustanovu je otjerala prošla vlast iz Maglaja u Žepče. Odnos čak i vijećnika, bivšeg vijećnika iz Kluba SDA koji radi u Centru za socijalni rad bio je takav da nije htio ni pomoći pogurati dijete u kolicima uz uzlazni dio, toliko su bili omiljeni u Maglaju da su otišli Žepče. Onda mi je gospođa Brigita rekla na jednom sastanku, vama Maglajlija stvarno hvala što ste nam poslali ovu ustanovu. Ono što ja u međuvremenu znam da je došlo do transformacije, da je došlo do određenih spajanja, da je tu ušla i visočka organizacija i očigledno je da kod njih nešto ne štima. Pred novu godinu je bio jedan izvršilac uz direktora, koji je došao sa određenim idejama itd. ispalio i više se nikad nije javio sa zahtjevima koje smo mi imali. Onda je skoro imenovana ponovo vršilac dužnosti gospođa Kanita. Razgovarali smo o tome i ona nema pune informacije s obzirom da je samo vršilac dužnosti. Još nikad nismo dobili ni prijedlog ugovora od njih. Mi finansiramo u onom dijelu ono što sam juče razgovarao sa šeficom resorne službe i sa jednom osobom iz struke je da vidimo kakva je mogućnost da mi završimo priču u Maglaju i pokušamo pronaći nekog finansijera koji će podržati takav projekat. Ja sam rekao bivši načelnik Mehmed Mustabašić je bio u pravu kada je govorio o potrebi ravnopravnog zaposlenja u toj ustanovi. Ja sam to isto ponovio i ovom bivšem v.d. direktoru i sadašnjoj v.d. direktorici da mi u Maglaju imamo obrazovane, mlade neuposlene ljude, prema tome hoćemo svoj dio kolača ukoliko ćemo ih finansirati. Da iz Maglaja ne trebaju biti samo vozači i eventualno kuhari. Šta ćemo raditi po ovom pitanju, ne znam. Očigledno su oni u nekóm raskoraku i čini mi se da je nekad na nekoj od posljednjih Skupština ZDK došlo do izmjena neke zakonske regulative, tako da ćemo vidjeti našto će to izaći.

Završeno u 19,15 sati.

Zapisničar,  
 Nišveta Bašić



Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

